

IZVJEŠTAJ O RADU

AGENCIJE ZA STATISTIKU BOSNE I HERCEGOVINE
ZA 2016. GODINU

Sarajevo, 2017.

S A D R Ž A J

| | |
|---|----|
| UVODNA RIJEČ | 4 |
| 1. DEMOGRAFSKE I SOCIJALNE STATISTIKE | 5 |
| STATISTIKA STANOVNIŠTVA..... | 5 |
| STATISTIKA TRŽIŠTA RADA | 6 |
| STATISTIKA OBRAZOVANJA..... | 6 |
| STATISTIKA KULTURE | 7 |
| STATISTIKA JAVNOG ZDRAVSTVA | 7 |
| RASPODJELA DOHOTKA I USLOVI ŽIVOTA..... | 7 |
| STATISTIKA SOCIJALNE ZAŠTITE | 8 |
| STATISTIKA KRIMINALITETA | 9 |
| GENDER STATISTIKA..... | 9 |
| 2. MAKROEKONOMSKE STATISTIKE | 9 |
| NACIONALNI RAČUNI | 9 |
| STATISTIKA CIJENA..... | 10 |
| STATISTIKA ROBNE RAZMJENE S INOSTRANSTVOM | 11 |
| 3. POSLOVNE STATISTIKE | 11 |
| GODIŠNJE POSLOVNE STATISTIKE | 11 |
| KRATKOROČNE POSLOVNE STATISTIKE | 13 |
| ENERGETSKA STATISTIKA | 18 |
| STATISTIKA SAOBRAĆAJA..... | 19 |
| STATISTIČKI POSLOVNI REGISTAR | 20 |
| 4. STATISTIKA POLJOPRIVREDE, ŠUMARSTVA I RIBARSTVA | 21 |
| STATISTIKA POLJOPRIVREDE | 21 |
| POLJOPRIVREDNE STRUKTURE | 22 |
| POLJOPRIVREDNI RAČUNI I CIJENE | 23 |
| STATISTIKA ŠUMARSTVA..... | 23 |
| STATISTIKA RIBARSTVA | 23 |
| 5. VIŠEPODRUČNE STATISTIKE | 24 |
| STRATEGIJA EVROPA 2020 I STRATEGIJA ODRŽIVOG RAZVOJA | 24 |
| STATISTIKA OKOLIŠA | 24 |
| NUTS KLASIFIKACIJA..... | 25 |
| NAUKA, TEHNOLOGIJA, INOVACIJE..... | 25 |
| STATISTIKA INFORMACIONIH I KOMUNIKACIJSKIH TEHNOLOGIJA..... | 25 |
| RAČUNI OKOLIŠA I KLIMATSKE PROMJENE..... | 26 |
| 6. PODRŠKA ZA STATISTIČKE PROIZVODE - INFRASTRUKTURA | 27 |
| KLASIFIKACIJE..... | 27 |
| OBUKE | 27 |
| IT PODRŠKA, STANDARDI I ALATI ZA STATISTIČKU PROIZVODNJU | 27 |
| INFORMISANOST I DISEMINACIJA..... | 28 |
| MEĐUNARODNA SARADNJA I EVROPSKE INTEGRACIJE | 29 |
| 7. ADMINISTRATIVNA PODRŠKA | 29 |
| UPRAVLJANJE IT INFRASTRUKTUROM | 29 |
| LJUDSKI RESURSI | 29 |
| UPRAVLJANJE FINANSIJSKIM SREDSTVIMA | 31 |
| PROBLEMI U REALIZOVANJU PLANA RADA AGENCIJE ZA STATISTIKU BiH | 32 |
| P R I L O Ž I..... | 35 |
| PREGLED PUBLIKOVANJA U 2016. GODINI..... | 37 |
| GODIŠNJI IZVJEŠTAJ o izvršenju Statističkog plana od posebnog značaja za Brčko distrikt BiH u 2016. godini | 41 |

UVODNA RIJEČ

Agencija za statistiku Bosne i Hercegovine (u nastavku teksta: Agencija) je samostalna upravna organizacija, nadležna za obradu, distribuciju i utvrđivanje statističkih podataka Bosne i Hercegovine (u nastavku teksta: BiH), kao i njeno međunarodno predstavljanje pred evropskim i međunarodnim tijelima po pitanju statistike.

Misija Agencije je pružanje pouzdanih, kvalitetnih, razumljivih, pravovremenih i međunarodno uporedivih statističkih podataka koje zadovoljavaju potrebe donosilaca odluka, istraživača i ostalih domaćih i stranih korisnika i odražavaju stanje i promjene u ekonomskom, demografskom i socijalnom području, području okoliša i prirodnih resursa.

„U roku od tri mjeseca od isteka kalendarske godine, direktor Agencije podnosi godišnji izvještaj o radu Agencije za statistiku BiH Vijeću ministara BiH“ (član 22. Zakona o statistici BiH - Službeni glasnik BiH, br. 26/04 i 42/04).

Izvještaj je strukturisan na način da korisnicima statističkih podataka i institucijama koje prate naš rad, pruži integralnu sliku rada Agencije u jednoj poslovnoj godini, a u odnosu na prioritetne zadatke koji su definisani u godišnjem *Planu rada Agencije za 2016. godinu, Statističkom programu BiH za period 2013 - 2016.* i *Strategiji razvoja Statistike BiH 2020.*

Agencija je uspješno provela statističke aktivnosti i istraživanja navedena u Planu rada Agencije za 2016. godinu. U 2016. godini realizovano je provedeno (u saradnji s entitetskim zavodima za statistiku) 167 statističkih istraživanja/aktivnosti. Agencija je publikovala 343 saopćenja sa statističkim podacima za različite referentne periode; 18 godišnjih tematskih biltena i 2 metodološka dokumenta. Objavljene publikacije i saopćenja su lektorisana i pripremljena na bosanski, hrvatski, srpski i engleski jezik.

U redovnom godišnjem Izvještaju Komisije za BiH za 2016. godinu, se navodi slijedeće: “Pripreme u oblasti statistike ostaju u ranoj fazi u većini sektora. Bilo je određenog napretka u prošloj godini. Rezultati Popisa stanovništva i domaćinstava iz oktobra 2013. objavljeni su 30. juna 2016. godine. Određeni napredak je ostvaren u oblasti poslovne statistike. Još uvijek nije održan poljoprivredni popis, jer nije usaglašen zakonski okvir. U narednoj godini, Bosna i Hercegovina bi posebno trebala da:

- nastavi primjenjivati Evropski sistem nacionalnih i regionalnih računa (ESA) iz 2010, posebno u pogledu nacionalnih računa i statistike državnih finansija;
- nastavi da unaprijeđuje saradnju, koordinaciju i proces donošenja odluka za razvoj sistema nacionalne statistike u ključnim statističkim oblastima;
- finalizira klasifikaciju statističkih regija prema nomenklaturi teritorijalnih statističkih jedinica (NUTS) i osigura da podaci o BDP-u po glavi stanovnika budu usklađeni na nivou NUTS II, u skladu sa obavezama iz Sporazuma o stabilizaciji i pridruživanju (SSP)

Mr. sc. Jukić Velimir

Direktor

STATISTIKA STANOVNIŠTVA

Vitalna statistika

U toku 2016. godine pripremljena su i objavljena četiri saopćenja o prirodnom kretanju stanovništva. Urađene su tabele za nivo BiH iz oblasti vitalne statistike za 2015. godinu (konačni podaci) za tematski bilten Demografija. Bilten sadrži i nekoliko tabela iz Popisa stanovništva 2013 (osnovne demografske strukture stanovništva), kao i tabele po zahtjevima EUROSTAT-a i UN-a. Takođe, su pripremljeni i podaci iz oblasti vitalne statistike za publikaciju BiH u brojevima.

Statistika migracija

Agencija je nadležna da publikuje podatke na državnom nivou u vezi unutrašnjih migracija. U februaru 2016. godine objavljeno je saopćenje o unutrašnjim migracijama za 2015. godinu. U ovom saopćenju obuhvaćeni su svi stanovnici BiH, razvrstani po spolnoj i starosnoj strukturi, koji su registrovali promjenu njihovog prebivališta, uključujući i kretanja između entiteta i Brčko distrikta BiH. U saopćenju su takođe dati podaci o ukupnom broju doseljenih i odseljenih osoba u FBiH, RS i BDBiH, kao i podaci o migracionom saldu.

Popis stanovništva, domaćinstava i stanova

Direktor Agencije za statistiku BiH je 18. maja 2016. donio odluku o „Jedinstvenom programu obrade podataka popisa stanovništva, domaćinstava i stanova u Bosni i Hercegovini 2013. godine“. Ova odluka je omogućila da se uspješno završe preostale aktivnosti vezane za obradu i objavljivanje rezultata popisa na dan 30.06.2016. Rezultati Popisa omogućuju da se utvrdi sveobuhvatna slika stanovništva BiH u datom trenutku (broj i prostorni razmještaj stanovništva, demografska, migraciona, etnička, obrazovna i ekonomska obilježja, broj i struktura domaćinstava i porodica...). Takođe, rezultati popisa stanovništva su od velikog značaja za izradu niza demografskih pokazatelja, pružaju dobru polaznu osnovu za procjene stanovništva i služe za projekcije stanovništva.

Takođe, donesen je Pravilnik o uništavanju popisne građe nastale u radu organa i organizacija u BiH za poslove Popisa stanovništva, domaćinstava i stanova u BiH 2013. godine (Službeni glasnik BiH” broj 89/16).

Postpopisna anketa

Tokom 2016. godine završena je analiza uparivanja svih statističkih jedinica (osoba, domaćinstava i stanova) između PPA i Popisa i izračunati osnovni indikatori kvaliteta obuhvata i sadržaja Popisa na osnovu modificiranog modela dualnog sistema procjene. Osnovni rezultati PPA su objavljeni u oktobru 2016. godine, napravljen je izvještaj o kvalitetu PPA kao sastavni dio ukupnog izvještaja o svim popisnim aktivnostima i započet je rad na izradi publikacije o metodologiji i rezultatima PPA koja će se publikovati početkom 2017. godine. Ove aktivnosti su kasnile u odnosu na predviđeni Plan rada jer je kasnila objava konačnih rezultata Popisa koja je bila preduslov za finalnu analizu rezultata PPA.

STATISTIKA TRŽIŠTA RADA

Statistika zarada, zaposlenosti i nezaposlenosti

Agencija je u 2016. godini nastavila sa redovnim mjesečnim pripremanjem i publikovanjem podataka o bruto i neto plaćama u BiH, broju zaposlenih u BiH i broju nezaposlenih u BiH. Podaci su agregirani na osnovu prikupljenih i obrađenih podataka iz entiteta i Brčko distrikta BiH. Podaci bruto i neto plaćama, te podaci o zaposlenima se prikupljaju mjesečnim odnosno polugodišnjim istraživanjem o zaposlenima i plaći (RAD-1), te putem mjesečnog izvještaja o preduzetnicima i zaposlenima kod njih (RAD-15), te se iskazuju prema Klasifikaciji djelatnosti BiH (KDBiH 2010), dok se podaci o broju nezaposlenih dobijaju od Zavoda za zapošljavanje i iskazuju prema kvalifikacionoj strukturi. Diseminacija podataka o plaćama se vrši kroz mjesečna, kvartalna i polugodišnja saopćenja, dok se diseminacija podataka o zaposlenima i nezaposlenima u BiH vrši kroz mjesečna saopćenja. Podaci su dostupni na internetskoj stranici Agencije za statistiku BiH

Anketa o radnoj snazi

U aprilu 2016. godini Agencija i entitetski zavodi za statistiku proveli su redovnu godišnju Anketu o radnoj snazi u BiH. Metodološke postavke Ankete o radnoj snazi 2016 su zasnovane na preporukama i definicijama Statističkog ureda EU (Eurostat) i Međunarodne organizacije rada (MOR). Prethodni rezultati Ankete o radnoj snazi 2016 objavljeni su sredinom jula 2015. godine u formi Saopćenja, a konačni rezultati su objavljeni krajem oktobra 2016. godine u formi tematskog biltena i dostupni su na internetskoj stranici Agencije. Konačni rezultati Ankete o radnoj snazi 2016 sadrže, između ostalog, indikatore neophodne za praćenje ciljeva postavljenih strategijom „Evropa 2020“ koji se odnose na mjere aktivnosti stanovništva starosti 20-64 godine, kao i podatke o završenom nivou obrazovanja prema implementiranoj Klasifikaciji nivoa obrazovanja uporedivoj sa Međunarodnom standardnom klasifikacijom obrazovanja ISCED 2011. Uvođenje nove klasifikacije obrazovanja predstavlja bitan korak harmoniziranja Ankete o radnoj snazi u BiH sa EU standardima i dio je pripremnih aktivnosti za prelazak na kontinuiranu Anketu o radnoj snazi. Pored toga u 2016. godini izvršena je revizija sadržaja Upitnika za anketiranje Ankete o radnoj snazi, prema preporukama Eurostata i Međunarodne organizacije rada i takav revidirani Upitnik će biti korišten za anketiranje u narednoj Anketi o radnoj snazi 2017, a prilagođen je i za provođenje kontinuirane Ankete o radnoj snazi. Kontinuirana Anketa o radnoj snazi bi se trebala početi provoditi u zavisnosti od raspoloživosti baze Popisa domaćinstava i stanova 2013 za kreiranje okvira uzorka, iz kojeg bi se izvlačio uzorak domaćinstava za anketiranje.

STATISTIKA OBRAZOVANJA

Statistika predškolskog, osnovnog, srednjeg i visokog obrazovanja

Iz oblasti obrazovanja objavljeno je saopćenje (sa preliminarnim i konačnim podacima) o obrazovanju koje obuhvata podatke o predškolskom, osnovnom, srednjem i visokom obrazovanju u BiH. U saopćenjima su dati podaci o učenicima, studentima i nastavnom osoblju, te podaci o opremljenosti osnovnih i srednjih škola računarima.

U okviru statistike obrazovanja provodena je jedna statistička aktivnost koja je objavljena u vidu dva saopćenja (sa preliminarnim i konačnim podacima).

Statističke institucije u BiH su izradile nacrt Klasifikacije polja obrazovanja u skladu sa ISCED-F 2013 klasifikacijom, te je istu potrebno usaglasiti sa relevantnim klasifikacijama entitetskih ministarstava obrazovanja.

Anketa o obrazovanju odraslih

Agencija za statistiku BiH zajedno sa FZS i RZS RS provodi Anketu o obrazovanju odraslih (AOO) kao jedne od komponenti Višekorisičkog programa IPA 2014. U decembru 2016. godine provedeno je pilot istraživanje kojim je obuhvaćeno 50 domaćinstava za nivo BiH, sa ciljem testiranja osnovnog instrumentarija ankete CAPI metodom prikupljanja podataka. Planirano je da se Anketa o obrazovanju odraslih (AOO) na punom obuhvatu provede u periodu od 1. februara do 31. marta 2017. godine (terenski rad).

Finansijska statistika obrazovanja

Nastavljen je rad na razvoju sveobuhvatnog sistema finansijske statistike obrazovanja u cilju osiguranja relevantnih podataka o finansijskim izdacima u obrazovnom sistemu, a u skladu sa EU i međunarodnim standardima i zahtjevima (UNESCO, OECD, EUROSTAT).

STATISTIKA KULTURE

Kultura i umjetnost

Iz oblasti kulture, objavljen je bilten „Kultura i umjetnost“. Podaci u ovom biltenu se odnose na oblast kulture i umjetnosti za 2015. Bilten sadrži dostupne podatke o muzejima, arhivima, galerijama, orkestrima, ansamblima i horovima festivalima, centrima za kulturu, kulturno-umjetničkim društvima, udrugama građana u području kulture, zavodima za zaštitu kulturnog i prirodnog naslijeđa, kinotekama, radio i TV stanicama, kinima, pozorištima i bibliotekama. U okviru statistike kulture provodena je jedna statistička aktivnost koja je objavljena u vidu tematskog biltena.

STATISTIKA JAVNOG ZDRAVSTVA

Nacionalni zdravstveni računi

Agencija je objavila saopćenje u kome su predstavljeni podaci Nacionalnih zdravstvenih računa (NHA) za BiH. Objavljeni su podaci za 2014. godinu za ukupnu potrošnju u zdravstvu po namjenama zdravstvene zaštite i po izvorima finansiranja (HCxHF), ukupnu potrošnju u zdravstvu po namjenama zdravstvene zaštite i pružaocima zdravstvenih usluga (HCxHP) i tekuće izdatke u zdravstvu po pružaocima usluga i izvorima finansiranja (HPxHF), koji su u skladu sa Međunarodnom klasifikacijom za zdravstvene račune (eng. International Classification for Health Accounts – ICHA). Transmisija podataka u formi Zajedničkog upitnika Eurostata, OECD-a i SZO, po metodologiji SHA 2011 urađena je maju 2016. godine.

Podaci se odnose na 2014. godinu. Trenutno se radi na validaciji NHA podataka za period 2009-2014. godine, na zahtjev Eurostata. U okviru statistike nacionalnih zdravstvenih računa provodena je jedna statistička aktivnost koja je objavljena u vidu saopćenja.

RASPODJELA DOHOTKA I USLOVI ŽIVOTA

Anketa o potrošnji domaćinstava 2015 (APD BiH 2015)

U 2016. godini rad na poslovima Ankete o potrošnji domaćinstava u BiH 2015. Bio je fokusiran na sljedeće aktivnosti: završetak prikupljanja podataka od izabranih domaćinstava, finalna kontrola rada anketara i supervizora, završetak unosa podataka u jedinstvenu bazu podataka, priprema baze sirovih podataka, analiza stope neodgovora i izračun finalnih pondera po stratumima, izrada pravila za

editovanje i imputaciju podataka, izrada programa za editovanje i imputaciju podataka prema vrstama upitnika i varijabli i izrada čiste baze podataka spremne za analizu. Aktivnosti editovanja i imputacije su urađene sa zakašnjenjem od nekoliko mjeseci iz razloga zauzetosti statističara i IT osoblja iz sve tri institucije prioritarnim poslovima objave rezultata Popisa stanovništva, domaćinstava i stanova iz 2013. godine i rezultata Postpopisne ankete.

Pilot longitudinalna anketa o prihodima i životnom standardu u BiH 2016/2017.(Pilot SILC BiH 2015)

U 2016. godini je u okviru IPA 2014 programa pripremljena metodologija (anketni instrumenti, metodološko uputstvo, CAPI aplikacija za prikupljanje i unos podataka i dogovoren dizajn uzorka) i projektni dokument sa ciljevima, opisom svih aktivnosti i budžetom za pilot longitudinalnu anketu o prihodima i životnom standardu u BiH 2016/2017.

Početak ovog pilot projekta je kasnio 9 mjeseci u odnosu na plan, a razlozi za to se nalaze na strani GOPA-e i Eurostata. Došlo je do promjene kratkoročnog eksperta i prva misija je održana u julu 2016. godine. Statističke institucije su u vrlo kratkom roku (u oktobru 2016. godine) napravile metodologiju i završile sve pripremne radnje za obuku anketara i supervizora i terenski rad do kojih nije došlo jer prva uplata od strane GOPA-e još nije izvršena, a ona je preduslov ovih aktivnosti. Ove aktivnosti kao i izrada sirovih baza podataka, editovanje i imputacije te analiza podataka i priprema finalnih baza podataka za Eurostat će se završiti u prvom semestru 2017. godine.

STATISTIKA SOCIJALNE ZAŠTITE

Korisnici i ustanove socijalne zaštite

Na osnovu podataka entitetskih zavoda za statistiku i ekspoziture Agencije u BDBIH, pripremljen je bilten "Socijalna zaštita u BiH", koji je obuhvatio podatke o korisnicima svih oblika, mjera i usluga socijalne zaštite, ali i podatke o ustanovama socijalne zaštite i zaposlenima u tim ustanovama, u razdoblju 2010-2015. godina. Podaci su razvrstani po starosti korisnika, stepenu ugroženosti, vrsti socijalnih potreba i ustanovama za pružanje socijalne zaštite. U okviru statistike socijalne zaštite provedena je jedna statistička aktivnost koja je objavljena u vidu tematskog biltena.

Evropski sistem integrisane statistike socijalne zaštite (ESSPROS)

U okviru IPA 2012 Twinning projekta nastavljen je razvoj i uspostavljanje Evropskog sistema integrisane statistike socijalne zaštite (ESSPROS-a) kao redovnog istraživanja.

U junu 2015. godine proveden je pilot projekat, kojim je obuhvaćeno ukupno 24 izvještajne jedinice iz oblasti socijalne zaštite, za nivoe entiteta, distrikta i kantona. Prikupljeni su podaci za 2013. godinu. Definirano je šest ESSPROS šema za nivo BiH: Nezaposlenost, Zdravstvena zaštita, Penzioni fond, Socijalna pomoć, Dječija zaštita i Ratni vojni veterani. Izvori podataka su: Zavod za zapošljavanje FBiH, RS i BD, Zavod zdravstvenog osiguranja i reosiguranja FBiH, Zavod zdravstvenog osiguranja RS i BD, Fond penzijsko-invalidskog osiguranja FBiH i RS, Ministarstvo rada i socijalne politike FBiH, deset kantonalnih ministarstava odgovornih za pitanja socijalne zaštite, Ministarstvo zdravlja i socijalne politike RS, Odjel za zdravstvo i ostale usluge Vlade BDBIH, Javni fond za dečiju zaštitu RS, Federalno ministarstvo za pitanja boraca i invalida odbrambeno-oslobodilačkog rata i Ministarstvo rada i boračko-invalidske zaštite RS. Podaci za BiH nivo su rezultat agregiranja entitetskih podataka i BD BiH. Pored kvantitativnog dijela upitnika, popunjen je kvalitativni dio za svaku šemu, u kom se opisuje svaka identifikovana nakada. Također, prikupljeni su i podaci o korisnicima penzija. Kvantitativni, kvalitativni i upitnik o korisnicima penzija su dostavljeni Eurostatu u decembru 2016. godine.

Identifikovane ESSPROS šeme predstavljaju većinu socijalnih davanja u BiH, ali ne i ukupna davanja. Potrebno je uključiti nove šeme u ESSPROS, a samim tim i identifikovati nove izvještajne jedinice. Decentralizovanost sistema socijalne zaštite i socijalnih davanja predstavlja izazov prilikom daljeg unaprijeđenja ESSPROS-a.

STATISTIKA KRIMINALITETA

Prijavljeni, optuženi i osuđeni punoljetni i maloljetni počinioci krivičnih djela

U 2016. godini Agencija je nastavila sa prikupljanjem podataka od entitetskih zavoda za statistiku, Osnovnog suda i Tužilaštva BD BiH (za prijavljene, optužene i osuđene punoljetne i za prijavljene, optužene i osuđene maloljetne učinioce krivičnih djela). Agencija svake godine prikuplja podatke od nadležnih pravosudnih i policijskih institucija u svrhu popunjavanja UNODC Upitnika o trendovima i operacijama u krivičnom sistemu koji se dostavlja Uredu za drogu i kriminal UN kao i EUROSTAT-u. Unaprijeđenje statistike kriminaliteta je započeto u 2016. godini kroz dva projekta: IPA 2014 MBP – Razvoj statistike o kriminalu i krivičnom pravosuđu koji je počeo u oktobru 2016. i regionalni projekat “Akcije mjerenja i procjene organizovanog kriminala na Zapadnom Balkanu, 2017-2020” čija se realizacija u punom kapacitetu očekuje u martu 2017. U okviru statistike kriminaliteta provodena je jedna statistička aktivnost koja je objavljena u vidu dva saopćenja.

GENDER STATISTIKA

Agencija je objavila publikaciju „Žene i muškarci u BiH“ koja obuhvata podatke razvrstane po spolu iz slijedećih oblasti: stanovništvo, zdravstvo i mortalitet, obrazovanje, nauka i istraživanje, zaposlenost, socijalna zaštita, kriminalitet, politička vlast, Opći izbori 2014, javna uprava i nasilje nad ženama. Većina podataka prikazanih u ovoj publikaciji su rezultat istraživanja koje provodi Agencija, kao i postojeće statističke dokumentacije, dok je manji dio podataka preuzet iz drugih državnih i entitetskih institucija. Agencija je zajedno sa entitetskim statističkim institucijama u 2016. počela sa aktivnostima oko izrade Indeksa rodne ravnopravnosti (Gender Equality Index). Indeks rodne ravnopravnosti je alat za praćenje stanja rodne ravnopravnosti u zemlji, kao i za poređenje sa drugim zemljama EU-e.

2. MAKROEKONOMSKE STATISTIKE

NACIONALNI RAČUNI

Obračun BDP za nivo BiH - godišnje procjene

Procijenjen je Bruto domaći proizvod, za nivo BiH, prema proizvodnom pristupu za 2015. godinu, u tekućim i cijenama prethodne godine, kao i serija podataka sa lančano povezanim vrijednostima sa 2010. godinom kao referentnom godinom. Prvi rezultati publikovani su u saopćenju „Bruto domaći proizvod za BiH 2015 – proizvodni pristup“ na nivou područja djelatnosti (A21), a konačni u Biltenu „Nacionalni računi“.

Procijenjen je Bruto domaći proizvod, za nivo BiH, prema dohodovnom pristupu za 2015. godinu. Podaci su publikovani u saopćenju „Bruto domaći proizvod za BiH 2015 –dohodovni pristup“ na nivou područja djelatnosti (A21), a konačni u Biltenu „Nacionalni računi“.

Procjenjen je BDP za BiH prema rashodnom pristupu za 2015. U saopćenju „Bruto domaći proizvod – rashodni pristup 2015“ publikovana je serija podataka od 2007. do 2015. u tekućim cijenama i cijenama prethodne godine, kao i serija podataka sa lančano povezanim vrijednostima sa 2010. godinom kao referentnom godinom. Konačni podaci objavljeni su u godišnjem Biltenu.

Obračun BDP za nivo BiH - kvartalne procjene

Izvršena je procjena BDP po proizvodnom pristupu za tri kvartala 2016. Podaci su publikovani u saopćenju. Nakon objavljene prve kvartalne procjene BDP prema rashodnom pristupu za BiH za period 2008–2013. godina nastavljen rad na uspostavi kvartalne procjene BDP po rashodnom pristupu. Pripremljene su kvartalne procjene za 2014. i 2015. U toku su aktivnosti na kvartalnim procjenama za 2016. Podaci nisu publikovani.

BDP u PPS

Svi podaci, neophodni za obračun BDP-a u paritetu kupovne moći su dostavljeni EUROSTAT-u, nakon čega je EUROSTAT objavio zvanične podatke za zemlje učesnice, za period 2012 - 2015. godina.

Obračun ulaganja sredstava u investicije

Izvršen obračun ulaganja sredstava u investicije pravnih osoba u 2015. godini. Prethodni podaci su publikovani u saopćenju „Investicije u 2015.godini“ na nivou područja djelatnosti A21. Konačni podaci su publikovani u Biltenu „Investicije 2015“.

IPA 2014 MPA

U okviru IPA 2014 u toku su aktivnosti koje se odnose na metodološko unaprijeđenje statistike nacionalnih računa, uspostava redovne transmisije podataka u skladu sa programom transmisije, razvoj MIP indikatora (Indikatora makroekonomske neravnoteže), te u saradnji sa Centralnom bankom razvoj GFS/EDP statistike.

IPA 2012 Nacionalni projekat

Aktivnosti na implementaciji ESA 2010 u okviru IPA 2012 Twinning projekta se nalaze u završnoj fazi. Priprema se nova serija podataka BDP-a za period 2005 – 2015. koja će uključiti metodološke korekcije u skladu sa ESA 2010, relevantne za BiH. Implementacija sektorske klasifikacije je u toku, uz napomenu da dogovor o definisanju podsektora u sektoru opće vlade nije postignut.

STATISTIKA CIJENA

Indeksi potrošačkih cijena u BiH

Redovno je vršeno prikupljanje, obrada i objava mjesečnih saopćenja o Indeksima potrošačkih cijena za nivo BiH i Brčko distrikta BiH. U istom periodu objavljene su i Prosječne potrošačke cijene za odabrane proizvode u BiH.

Indeks proizvođačkih cijena

Redovno su prikupljeni, obrađivani i objavljeni podaci o kretanju Indeksa proizvođačkih cijena proizvođača za svih dvanaest mjeseci 2016. godine. Objavljeni su podaci za domaće, strano i ukupno tržište u jedinstvenom saopćenju.

Evropski program poređenja

U okviru Evropskog programa poređenja – Paritet kupovne moći, Agencija je provela sve aktivnosti definisane EUROSTAT-ovim Planom rada za 2016. godinu. EUROSTAT-u su u planiranim rokovima dostavljeni svi potrebni podaci o provedenim istraživanjima: „Dom i Vrt“, i „Transport, Restorani i Hoteli“. Dostavljene podatke Eurostat koristi, zajedno sa ostalim neophodnim podacima, za obračun BDP-a u partitetu kupovne moći.

STATISTIKA ROBNE RAZMJENE S INOSTRANSTVOM

Statistika vanjske trgovine

U 2016. godini Agencija je vršila redovno mjesečno prikupljanje, obradu i publikovanje podataka o robnoj razmjeni BiH s inostranstvom kao i objavila konačne godišnje podatke za 2015. godinu u Tematskom biltenu.

Redovno su publikovani indeksi jediničnih vrijednosti na kvartalnom nivou.

Podaci su redovno dostavljani Direkciji za ekonomsko planiranje pri Vijeću ministara BiH, Centralnoj banci BiH, Ministarstvu vanjske trgovine i ekonomskih odnosa BiH, Eurostat-u i Ujedinjenim narodima, u traženoj formi.

U okviru statistike robne razmjene s inostranstvom se provode dva istraživanja.

3. POSLOVNE STATISTIKE

GODIŠNJE POSLOVNE STATISTIKE

Strukturne poslovne statistike

U području strukturnih poslovnih statistika (SPS) nastavljen je rad na daljem razvoju sveobuhvatnog sistema strukturnih poslovnih statističkih istraživanja za osiguravanje pokazatelja o ekonomskim aktivnostima poslovnih subjekata za BiH i entitete. Cilj uspostavljanja sistema strukturnih poslovnih statistika je proizvodnja konzistentnih i međunarodno uporedivih statističkih pokazatelja u skladu sa EU SBS (Structural Business Statistics) Regulativi No. 295/2008. Također, razvijen sistem godišnjih strukturnih poslovnih statistika je preduslov za razvoj kratkoročnih (mjesečnih i kvartalnih) poslovnih pokazatelja, što uključuje: izradu ponderacionih sistema za izračunavanje različitih agregata u kratkoročnim poslovnim statistikama, ažuriranje podataka statističkog poslovnog registra i izradu varijabli poslovne demografije. Strukturne statistike se koriste i kao značajni inputi za izradu i poboljšanje statistike nacionalnih računa.

U toku 2016. završeno je redovno SPS istraživanje za referentnu 2014. godinu koje je obuhvaćalo sljedeće djelatnosti poslovne ekonomije: prerađivačka industrija; proizvodnja i distribucija struje, plina i vode; građevinarstvo; trgovina; promet i skladištenje; hotelijerstvo i ugostiteljsvo; poslovanje nekretninama; informacije i komunikacije; stručne, naučne i tehničke djelatnosti; administrativne i pomoćne uslužne djelatnosti, ostale uslužne djelatnosti, kao i privatna preduzeća u oblasti obrazovanja i djelatnosti zdravstvene i socijalne zaštite. Po prvi put izvršena je procjena SPS varijabli za preduzetnike na osnovu podataka o zaposlenosti u Statističkom poslovnom registru. Rezultati SPS istraživanja za preduzeća i preduzetnike su obrađeni, analizirani i publikovan je tematski bilten

„Strukturne poslovne statistike [2014](#)“. Serija SPS podataka za 2014. prosljeđena je u Eurostat u zahtjevanom formatu.

U 2016, provedeno je SPS istraživanja za referentnu 2015. godinu. Obuhvaćene su sve ekonomske djelatnosti grupisane u Aneks I-IV EU SBS Regulative, što uključuje kompletnu populaciju preduzeća za djelatnosti poslovne ekonomije. Istraživanjem su obuhvaćena sva preduzeća, a za preduzetnike je izvršena procjena. Rezultati su publikovani u saopćenju „Strukturne poslovne statistike –preliminarni rezultati za [2015](#)“.

Takođe, putem posebnog dopunskog obrazca prikupljeni su podaci za 2015. godinu potrebni za proizvodnju varijabli za poslovne usluge (Aneks VIII EU SBS Regulative). Putem ovog obrasca za izabrane djelatnosti (kompjuterskih usluga, reklamnih usluga i usluga oglašavanje preko medija, djelatnostima posredovanje u zapošljavanju, djelatnosti istraživanje tržišta i ispitivanje javnog mijenja, arhitektonske usluge, inženjerske usluge i s njima povezano tehničko savjetovanje, djelatnostima tehničkog ispitivanja i analize) prikupio se promet po CPA klasifikaciji i po rezidentnosti klijenata. Podaci su se prikupili uz redovno SPS istraživanje putem dopunskog obrazca.

Kao osnovni okvir za planiranje i provođenje redovnih SPS istraživanja koristi se Statistički poslovni registar, koji je preklasifikovan prema važećoj klasifikaciji djelatnosti - KD BiH 2010 (EU NACE Rev2).

Na izvršenju aktivnosti razvoja SPS istraživanja i redovnoj proizvodnji varijabli i pokazatelja kontinuirano radi stalna radna grupa sastavljena od metodologa, uzorkaša i IT stručnjaka iz svih statističkih institucija u BiH. Radna grupa posebno radi na sljedećim zadacima: priprema osnovnog plana aktivnosti s rokovima po pojedinim fazama i izvršiteljima; priprema dizajna SPS upitnika i naputaka za popunjavanje upitnika; priprema okvira, izrada dizajna za izbor i izbor uzorka; ažuriranje lista osnovnih kontrola za unos podataka i lista izlaznih varijabli i pokazatelja s načinom njihovog računanja; ažuriranje IT aplikacije za unos i kontrolu podataka, računanje mikro varijabli i pokazatelja, obrada podataka, izrada rezultata istraživanja i procjena totala (grossing up), izrada formata za dostavu SPS podataka i dostava podataka Eurostatu.

U istraživanju se koristi kombinovana metoda punog obuhvata i uzorka, u zavisnosti od djelatnosti i veličine preduzeća prema broju zaposlenih. Pripremljen je kompletan instrumentarij za provođenje istraživanja (10 različitih formi obrazaca, zavisno od djelatnosti i veličine preduzeća i 6 dopunskih obrazaca za poslovne usluge), prikupljeni su, iskontrolisani i obrađeni podaci istraživanja i započelo je uređivanje podataka i analiza rezultata istraživanja.

Redovna proizvodnja strukturnih poslovnih varijabli i pokazatelja nastaviti će se u narednim godinama što će upotpunosti ispuniti zahtjeve iz Aneksa I-IV EU Regulative 295/2008, uključujući i odgovarajuće praćenje ekonomske aktivnosti preduzetnika za sve zahtjevane varijable.

Kroz Projekat IPA 2012 a u saradnji sa SBR-om otpočete su aktivnosti na proizvodnji podataka Poslovne demografije (implementacija Aneksa IX EU SBS Regulative). Urađen je draft metodologije Poslovne demografije (definicija osnovnih demografskih događaja – nova i ugašena preduzeća i način njihova izračuna, opisana procedura rada, definisane izlazne tabele). Postupak automatskog mečiranja nije bilo moguće uraditi iz razloga što u Statističkom poslovnom registru nisu standardizovane adrese preduzeća. Stoga proizvodnja poslovne demografije će zahtijevati dosta ručnog rada. Dalje aktivnosti na proizvodnji poslovne demografije su u odsjeku Statističkog poslovnog registra.

Razvitak i implementacija finansijskih aneksa (Aneksi V –VII) odvijati će se u saradnji sa Centralnom bankom i aktivnost je planirana kroz IPA/2017 projekat.

Statističko praćenje aktivnosti podružnica inostranih preduzeća u BiH se redovno prate od 2012. referentne godine. Rezultati za 2014. godinu su urađeni i analizirani u drugoj polovini 2016. i dostavljeni su Eurostatu.

Proizvodnja strukturnih poslovnih statistika za BiH i entitete se realizuje uz dobru saradnju i veliki angažman statističkih institucija, a uz stručnu pomoć IPA projekta, što za rezultat ima poboljšanje metoda rada i poboljšanje kvalitete proizvedenih statistika, kao i transmisiju zahtjevanih rezultata Eurostatu.

Godišnja statistika industrijske proizvodnje

U 2016. godini provedeno je redovno godišnje istraživanje o industrijskoj proizvodnji (IND-21) u BiH za referentnu 2015. godinu. Prikupljeni su i obrađeni podaci o proizvedenim količinama proizvoda, količinama proizvoda utrošenih za dalju proizvodnju, promjeni zaliha i prodaji proizvoda - količinski i vrijednosno.

Ovi podaci su prikupljeni u entitetskim zavodima za statistiku i podružnici Brčko Distrikta te su dostavljeni Agenciji za statistiku BiH. Izvršena je analiza, obrada i publikovanje preliminarnih i konačnih PRODCOM rezultata za BiH za 2015. godinu prema usaglašenoj metodologiji i pripremljenoj BiH Nomenklaturi industrijskih proizvoda - NIP/PRODCOM BiH 2015 koja je usaglašena sa važećom EU PRODCOM List 2015.

Eurostat vrši godišnju reviziju EU PRODCOM liste s ciljem usklađivanja industrijske nomenklature sa promjenama koje se vrše na nomenklaturama vanjske trgovine (EU/CN i UN/HS). Slijedeći ažuriranje EU PRODCOM liste koje vrši Eurostat, Agencija vrši reviziju NIP BiH. Provođenje PRODCOM istraživanja usklađeno je sa rokovima koje je postavila EU za proizvodnju PRODCOM rezultata. Rok za dostavljanje prvih rezultata Eurostatu je 30. 06. tekuće godine za podatke iz prethodne godine, dok je rok za konačne rezultate rok 30.09. Preliminarni PRODCOM 2015 rezultati za BiH publikovani su u julu 2016. dok su konačni rezultati publikovani u oktobru 2016. u formi tematskog biltena „Industrijska proizvodnja u BiH u 2015. godini - PRODCOM rezultati“ koji, pored tabela i grafikona, sadrži i tekst sa relevantnim metodološkim pojašnjenjima. Izvršena je transmisija PRODCOM rezultata za BiH Eurostatu, i to 30.06. preliminarnih i 30.09. konačnih rezultata. Pripremljen je metadata file za PRODCOM statistiku za BiH kao i izvještaj o kvalitetu za 2016. godinu.

Godišnja statistika građevinarstva

Agencija je u 2016. provela redovno godišnje istraživanje o izvršenim građevinskim radovima u BiH (GRAĐ-11) za 2015. te izvršila analizu, obradu i publikovanje rezultata o izvršenim građevinskim radovima u BiH. Publikovanje podataka za BiH u formi saopćenja vrši se redovno od 2009. Podaci za teritoriju BD BiH uključeni su u rezultate za nivo BiH od 2012. godine, što nije bio slučaj za ranije godine. Na osnovu godišnjeg istraživanja su obrađeni i publikovani sljedeći podaci za BiH: vrijednost izvršenih građevinskih radova prema vrstama objekata, prosječan broj radnika na gradilištima u BiH, ukupan broj odrađenih sati radnika na gradilištima, broj i površina završenih zgrada i stanova, završeni stanovi prema građevinskoj veličini i broju soba.

KRATKOROČNE POSLOVNE STATISTIKE

Mjesečna statistika industrijske proizvodnje

Nastavljeno je redovno mjesečno objavljivanje Indeksa fizičkog obima industrijske proizvodnje za nivo BiH i BD BiH u skladu sa revidiranom metodologijom izračunavanja indeksa koja je usaglašena sa

entitetskim zavodima za statistiku s ciljem postizanja pune konzistentnosti rezultata koji se objavljuju za BiH, BDBiH i entitete, a u skladu sa preporučenom metodologijom Eurostata. Podaci su prikupljeni na osnovu nomenklature industrijskih proizvoda Mjesečni NIP BiH 2013 koja je usklađena sa važećom EU PRODCOM Listom i koja ostaje nepromijenjena do promjene bazne godine („0“ i „5“) zahtjevana od strane Eurostata. Indeksi fizičkog obima industrijske proizvodnje za BiH i BDBiH redovno se publikuju u mjesečnoj periodici i to 25. u tekućem mjesecu za prethodni mjesec. Indeksi se objavljuju u formi izvornih (originalnih) indeksa, sezonskih i kalendarski prilagođenih indeksa i trend serija.

Indeksi se objavljuju za nivo ukupne industrije, glavnih industrijskih grupa (MIGs) (Intermedijalni proizvodi, Energija, Kapitalni proizvodi, Trajni i Netrajni proizvodi za široku potrošnju), područja djelatnosti KD BiH 2010 (B,C,D) kao i nivo oblasti. Koristi se usaglašena jedinstvena forma saopćenja u sve tri statističke institucije u BiH. Također, pored ovog saopćenja priprema se i redovno mjesečno publikuje saopćenje kojim su obuhvaćeni indeksi fizičkog obima industrijske proizvodnje u BiH za prethodnih 13 mjeseci u obliku izvornih, sezonskih i kalendarski prilagođenih indeksa te trend serija indeksa. Indeksi za nivo BiH se redovno mjesečno dostavljaju Eurostatu i to kao originalni indeksi, sezonski i kalendarski prilagođeni indeksi za nivo ukupne industrije, MIG-ova i područja djelatnosti. Izvršena je dorada IT aplikacije za industriju. Pripremljen je metadata file za Indeks industrijske proizvodnje za BiH kao i izvještaj o kvalitetu za 2016. godinu.

Redovno su pripremani i dostavljani podaci važnim korisnicima (DEP, MMF, World Bureau of Metal Statistics, UN Statistics Division, Industrial and Energy Statistics Section i sl.). Također, redovno je odgovarano i na brojne druge zahtjeve ostalih korisnika i dostavljani službeni podaci iz statistike industrije na agregiranom nivou.

Mjesečna statistika prometa u industriji

U toku 2016. godine izvršen je finalni izračun mjesečne serije indeksa prometa u industriji za BiH i entitete za period 2010 – 2015. godina i izračun Indeksa za 11 mjeseci 2016. godine za nivo BiH. Izvršen je izračun indeksa za nivoe grane, oblasti, GIG-ova (EU MIGs) i područja djelatnosti koristeći harmonizirani metod izračuna indeksa. Pripremljena je finalna verzija metodološkog dokumenta za izračun Indeksa prometa u industriji. Objava preračunate serije mjesečnih Indeksa prometa za BiH odgođena je za mart 2017. godine, s obzirom da je u 2016. godini izvršeno prilagođavanje mjesečnih serija vrijednosti prometa (prikupljenih kroz mjesečno istraživanje M KPS IND-1) kretanju vrijednosti prometa prikupljenog kroz IND-21 istraživanje (PRODCOM). Također, za svaku godinu je izvršeno uparivanje i kontrola sa podacima istraživanja SBS. Izvršeno je sezonsko i kalendarsko prilagođavanje mjesečnih serija Indeksa prometa za navedeni period koristeći Demetra v.2.2. software. Pripremljena je i unificirana forma saopćenja za publikovanje Indeksa za BiH kao i za entitete.

Mjesečna statistika turizma

Redovno provođenje mjesečnog istraživanja statistike smještaja u turizmu u 2016. godini te kompilacija i objavljivanje zahtjevanih indikatora statistike smještaja: mjesečni podaci (za referentni mjesec) i kumulativni podaci (od početka godine do referentnog mjeseca) za nivo BiH. Podaci su agregirani na osnovu prikupljenih i obrađenih podataka iz entiteta i BDBiH. Mjesečnim istraživanjem (obrazac TU-11) prikupljaju se podaci o broju smještajnih objekata, soba i stalnih ležajeva po vrstama smještaja; iskorištenosti kapaciteta u izvještajnom mjesecu; broju posjeta domaćih i stranih turista; broju noćenja domaćih i stranih turista po zemljama prebivališta i vrstama smještaja; načinu i svrsi dolazaka i noćenja domaćih i stranih turista. Redizajnirano istraživanje je usklađeno sa važećim preporukama Eurostata u domenu turizma (Supply side of tourism statistics, EU Regulation No. 692/2011). Podaci statistike turizma na nivou BiH se pripremaju i redovno dostavljaju za objavljivanje

u publikacijama Eurostata i UNWTO: „Potential Candidate countries and European Neighborhood Policy (ENP) countries“ i „UNWTO Compendium and Yearbook of Tourism Statistics“.

Izvršena je i redovna samoprocjena za oblasti statistike turizma i uporedivost podataka sa propisanim evropskim standardima i metodologijama (upotrebom SMIS+ EUROSTAT programa).

Statistika turizma – putovanja domaćeg stanovništva

Izvršene su pripreme za provođenje redovnog istraživanja o turističkim putovanjima domaćeg stanovništva (Demand side of tourism statistics, EU Regulation No. 692/2011) koje su započete kroz prethodni IPA Twinning projekat. Analiza dobivenih rezultata i korištenog instrumentarija iz provedenog Pilot istraživanja će se koristiti za pripremu provođenje redovnog istraživanja u 2017. godini. Neophodno je da se prije početka provođenja redovnog istraživanja steknu odgovarajući preduslovi, a najznačajniji je korištenje okvira populacije zasnovanog na konačnim rezultatima Popisa stanovništva, domaćinstava i stanova u BiH. Obzirom da se radi o anketnom istraživanju neophodno je obezbjediti dodatna finansijska sredstva iz posebnih namjena za provođenje terenskog rada (plaćanje anketara i drugog osoblja). Razmatra se i mogućnost prikupljanja podataka korištenjem CATI metode, ukoliko se osiguraju potrebni preduslovi, što bi značajno smanjilo troškove provođenja planiranog istraživanja. Provođenje redovnog istraživanja i dalji razvoj potražne strane statistike turizma, u skladu sa zahtjevima EU regulative, planiran je kroz novi IPA 2015 Twinning Projekat.

Kvartalna statistika građevinarstva

Agencija je nastavila redovnu pripremu i publikovanje kvartalnih podataka o stambenoj izgradnji u BiH za referentnu 2016. godinu. Publikovani su podaci o broju završenih i nezavršenih stanova, kao i površini završenih stanova. Ovi podaci su obrađeni na osnovu podataka dostavljenih iz entiteta, a izvor podataka su poslovne evidencije pravnih subjekata registrovanih u području F-Građevinarstvo prema KD BiH 2010.

Također, u kvartalnoj periodici su obrađivani i publikovani podaci iz statističkog istraživanja o građevinskim radovima u inostranstvu koje su izvršila/obavila građevinska preduzeća iz BiH. Na bazi istraživanja publikuju se sljedeći podaci: vrijednost izvršenih građevinskih radova u inostranstvu po vrstama radova; vrijednost izvršenih radova po vrstama objekata; vrijednost izvršenih radova po zemljama izvršenja radova; vrijednost novih narudžbi po zemljama ugovaranja za izvještajni kvartal; ukupan broj radnika preduzeća koji svoje radove izvode u inostranstvu, kao i ukupan broj izvršenih efektivnih sati rada radnika na gradilištima. Podaci za BiH su obrađeni na osnovu podataka dostavljenih iz entitetskih zavoda za statistiku. Pored saopćenja za referentni kvartal, objavljuju se i kumulativna saopćenja o izvršenim građevinskim radovima u inostranstvu i stambenoj izgradnji u BiH.

U 2016. godini nastavljeno je redovno provođenje kvartalnog istraživanja K KPS GRAĐ- 21 o izvršenim građevinskim radovima kojim se prikupljaju podaci za proizvodnju Indeksa proizvodnje u građevinarstvu (IPC) za BiH, u skladu sa zahtjevima EU STS Regulative 1165/98 (Annex B). Izvršena je analiza, obrada i publikovanje kvartalnih Indeksa proizvodnje u građevinarstvu (IPC) za nivoe BiH i BDBIH u 2016. u skladu sa usaglašenom metodologijom izračunavanja indeksa između sve tri statističke institucije u BiH. Također, koristi se usaglašena forma saopćenja, a indeksi se objavljuju za nivo ukupnog građevinarstva te za oblasti visokogradnje i niskogradnje.

Indeksi se objavljuju u formi izvornih (originalnih) indeksa, sezonski i kalendarski prilagođenih indeksa i trend serija desezoniranih korištenjem Demetra software. Podaci o IPC-u za BiH se redovno kvartalno dostavljaju Eurostatu. Podaci se dostavljaju internim i eksternim korisnicima u skladu sa njihovim zahtjevima, isključivo na agregiranom nivou.

Statistika o izdatim odobrenjima za građenje

Mjesečno istraživanje o izdatim odobrenjima za građenje (M KPS GRAĐ-OG) se redovno provodilo i u 2016. godini čime su prikupljeni, obrađeni, analizirani i publikovani podaci za nivo BiH i BDBIH. Podaci su publikovani kvartalno. Istraživanje se provodi na punom obuhvatu izvještajnih jedinica – upravnih tijela nadležnih za izdavanje odobrenja za građenje koristeći jedinstveni instrumentarij (upitnike, uputstva za popunjavanje upitnika) i u skladu sa metodologijom preporučenom od strane Eurostata. Koristi se jedinstvena forma saopćenja u sve tri statističke institucije. Podaci se redovno kvartalno dostavljaju u Eurostat u skladu sa zahtjevima važeće EU STS regulative (Aneks B). Nastavljen je rad na daljem razvoju IT aplikacije.

Kvartalna statistika proizvođačkih (output) cijena u građevinarstvu

Tokom 2016. godine uspješno su završene sve aktivnosti u okviru IPA 2012 Twinning Projekta (Komponenta 2.3.1) koje su obuhvatile razvoj Indeksa proizvođačkih (output) cijena u građevinarstvu (PPIC) (Aneks B EU STS Regulative). Od prvog kvartala 2016. godine redovno se provodi kvartalno istraživanje na uzorku statističkih jedinica registrovanih u oblasti 41 – visokogradnja i oblasti 43 – Specijalizirane građevinske djelatnosti prema KD BiH 2010. Cijene se prikupljaju za izvršene građevinske radove na novim stambenim objektima (stanogradnja). Prethodno je definisan standardni građevinski objekat u BiH za koji je eksterna projektantska kuća izradila predmjer i predračun radova koji se koristi za izračun ponderacione strukture. Izvršen je preliminarni izračun PPIC-a za prva dva kvartala 2016. godine na osnovu dogovorenog metoda standardnih komponenti (Standard Component Method) u skladu sa preporukama EU eksperata. Usaglašena je jedinstvena metodologija istraživanja i metode izračuna Indeksa proizvođačkih cijena građevinarstva te je pripremljen i usvojen metodološki dokument. Nastavak aktivnosti na razvoju indeksa proizvođačkih cijena u građevinarstvu - PPIC (Aneks B, EU STS Regulative) biće podržan kroz novi IPA 2015 Twinning Projekat.

Prodajne cijene novih završenih stanova

U 2016. godini nastavljeno je provođenje redovnog kvartalnog istraživanja o Prodajnim cijenama novih završenih stanova korištenjem obrasca K KPS GRAĐ-41. Istraživanje se provodi na odabranom uzorku izvještajnih jedinica registrovanih u području F- Građevinarstvo i koji se bave gradnjom novih stambenih jedinica. Podaci su redovno kvartalno publikovani za nivo BiH. Kvartalni podaci za BiH kompiliraju se na osnovu podataka dobivenih iz entitetskih zavoda za statistiku i Brčko Distrikta BiH.

Kvartalna statistika distributivne trgovine

Nastavljeno je provođenje redovnog kvartalnog istraživanja distributivne trgovine koje je usklađeno sa zahtjevima EU STS regulative (Aneks D, EU Regulativa 1165/98). Istraživanje se provodi kombinovanom metodom punog obuhvata i uzorka izabranih preduzeća iz SPR-a. Indeksi prometa distributivne trgovine kompiliraju se na osnovu podataka dobivenih iz entitetskih zavoda za statistiku i BD BiH. Pored stavki koje su zahtjevane važećom EU-STs regulativom, upitnik za distributivnu trgovinu uključuje i podatke o stanju zaliha te raspodjeli prometa u trgovini na malo po robnim grupama u skladu sa Klasifikacijom proizvoda po djelatnostima BiH - KPPD BiH 2010 (EU CPA 2008), radi njihovog korištenja za izračunavanje kvartalnog BDP-a po rashodnom pristupu. Raspoloživa serija podataka sadrži nominalne indekse prometa, počev od prvog kvartala 2006. godine, koji su preračunati na baznu (2010) godinu. Pored izvornih (nepriлагоđenih) indeksa prometa vrši se izračun i publikovanje serija sezonski i kalendarski prilagođenih indeksa te stopa promjena na mjesečnom i godišnjem nivou u tekućim cijenama. Planirano je da se u 2017. godini započne sa redovnom

transmisijom podataka Eurostatu. Također, usaglašena je revidirana verzija upitnika koja će se koristiti za provođenje redovnog kvartalnog istraživanja distributivne trgovine u 2017.

Mjesečna statistika trgovine na malo

Agencija je nastavila sa redovnim mjesečnim publikovanjem podataka statistike trgovine na malo za nivo BiH. Istraživanje se provodi kombinovanom metodom punog obuhvata i uzorka izabranih preduzeća na osnovu podataka SPR-a. Indeksi prometa trgovine na malo kompiliraju se na osnovu podataka dobivenih iz entitetskih zavoda za statistiku i BDBiH. Raspoloživa serija podataka sadrži indekse prometa, počev od prvog kvartala 2006. godine, koji su preračunati na baznu (2010) godinu. Pored izvornih (neprilagođenih) indeksa prometa vrši se izračun i publikovanje serija sezonski i kalendarski prilagođenih indeksa te stopa promjena na mjesečnom i godišnjem nivou, u stalnim i tekućim cijenama. Za deflacioniranje prometa trgovine na malo koristi se prilagođeni indeks potrošačkih cijena u BiH (CPI). Redizajnirano mjesečno istraživanje trgovine na malo u potpunosti je usklađeno sa zahtjevima EU-STS regulative br. 1165/98, Aneks C). Dodatno je unaprijeđena IT- STS aplikacija koja se koristi za unos, obradu i izračun podataka statistike trgovine na malo koju također koriste i entitetski zavodi za statistiku. Time je osigurano poštivanje usaglašenih metodoloških procedura pri izračunu indeksa trgovine na malo. Planirano je da se u 2017. godini započne sa redovnom transmisijom podataka Eurostatu.

Kvartalna statistika prevoza i skladištenja

U 2016. godini realizovane su planirane aktivnosti na redovnom provođenju kvartalnog istraživanja statistike prijevoza i skladištenja. Nastavljeno je redovno publikovanje saopćenja statistike prijevoza i skladištenja u skladu sa zahtjevima EU regulative za kratkoročne poslovne statistike (Aneks D, EU Regulative 1165/98), te iskazanim potrebama internih korisnika. Indeksi prometa u prijevoznim i skladišnim djelatnostima agregirani su za nivo BiH, na osnovu podataka koje su prikupili i obradili entitetski zavodi za statistiku, te podružnica Agencije u BDBiH. U saopćenju su prikazani indeksi prometa u uslužnim djelatnostima prijevoza i skladištenja, ukupno i po oblastima djelatnosti KD BiH 2010. Istraživanje se provodi kombinovanom metodom punog obuhvata i uzorka izabranih preduzeća na osnovu podataka SPR-a. Nastavljene su aktivnosti na daljem unaprijeđenju modula IT- STS aplikacija, koja se koristi za unos, obradu i izračun podataka, sa ciljem procjene totala korištenjem ratio estimatora, što će osigurati primjenu jedinstvenog metoda izračuna indeksa u sve tri statističke institucije u BiH.

Takođe, usaglašena je revidirana verzija upitnika koja će se koristiti za provođenje redovnog kvartalnog istraživanja prijevoza i skladištenja u 2017. godini.

Kvartalna statistika ostalih uslužnih djelatnosti

U okviru kratkoročne statistike ostalih usluga, nastavljeno je redovno provođenje kvartalnog istraživanja prometa za izabrane uslužne djelatnosti za područja I, J, M i N uključujući oblast H53, prema KD BiH 2010, u skladu sa EU regulativom br. 1165/98, Aneks D. Istraživanje se provodi kombinovanom metodom punog obuhvata i uzorka izabranih preduzeća na osnovu podataka SPR-a. U toku su aktivnosti na pripremi i proizvodnji indeksa prometa ostalih usluga za BiH (novi indikatori). Tokom 2016. godine izvršen je preračun/backasting raspoloživih entitetskih serija podataka za period 2010 – 2014. godina prema prethodno usaglašenom metodom preračuna u sve tri statističke institucije u BiH. Analizirani su prikupljeni podaci dobijeni kroz redovno kvartalno istraživanja ostalih usluga, bez publikovanja podataka, dok je početak redovnog publikovanja podataka planiran u 2017. godini. Pored izvornih (neprilagođenih) indeksa prometa vršiti će se izračunavanje i publikovanje sezonski i kalendarski prilagođenih indeksa te stopa promjena na kvartalnom i godišnjem nivou u

tekućim cijenama. Planirano je da se sezonalizacija dobijenih nominalnih indeksa vrši korištenjem JDemetra+ programa. Od prvog kvartala 2017. godine planirano je uvođenje kvartalnih istraživanja ostalih usluga za uslužne djelatnosti: L68 – Poslovanje nekretninama; N77 – Djelatnosti iznajmljivanja i davanja u zakup (leasing); N81.1 – Pomoćne djelatnosti upravljanja zgradama i N81.3 – Uslužne djelatnosti uređenja i održavanja zelenih površina, prema KD BiH 2010. Ovo kvartalno istraživanje je dio sveobuhvatnih kratkoročnih statističkih istraživanja koja se sukcesivno razvijaju pod jedinstvenim metodološkim okvirom za sve djelatnosti poslovne ekonomije u skladu sa dokumentom "Metodološki okvir za razvoj kratkoročnih poslovnih statistika u BiH". Osnovna forma upitnika, metodologije, dizajna uzorka i STS-IT aplikacije koja je razvijena za druga kratkoročna poslovna istraživanja koristi se za redovno provođenje i dalji razvoj kvartalnih istraživanja za ostale uslužne djelatnosti.

Kvartalna statistika proizvođačkih cijena u uslužnim djelatnostima

Od prvog kvartala 2016. godine redovno se provode kvartalna istraživanja proizvođačkih cijena usluga za slijedeće uslužne djelatnosti: 49.41- Cestovni prijevoz robe; 52.10-Skladištenje robe; 52.24-Prekrcaj tereta; 53.10-Univerzalne poštanske usluge; 53.20-Ostale poštanske i kurirske usluge te djelatnost 61–Telekomunikacije, prema KD BiH 2010.

Reprezentativni uzorak statističkih jedinica za svaku uslužnu djelatnost izabran je korištenjem cut-off metode prema ostvarenom godišnjem finansijskom rezultatu za prethodnu godinu.

Usaglašena je jedinstvena metodologija istraživanja i metode izračuna Indeksa proizvođačkih cijena usluga i pripremljen je metodološki dokument. Urađena je analiza dobijenih rezultata iz provedenih pilot istraživanja za sve kvartale 2015. i prva dva kvartala 2016. Planirano je da se u 2017. nastavi redovno prikupljanje i analiza dobivenih podataka te započne sa razvojem IT aplikacije za unos i obradu podataka. U 2017. planiran je dalji razvoj SPPI-a u BiH uvođenjem redovnih istraživanja za dvije dodatne djelatnosti N80 - Zaštitne i istražne djelatnosti i N81.2 – Djelatnosti čišćenja, prema KD BiH 2010.

Prethodno je izvršena posjeta izvještajnim jedinicama sa ciljem upoznavanja sa metodologijom istraživanja, pripremljene su finalne verzije upitnika i izabran je uzorak za provođenje kvartalnih istraživanja cijena usluga u 2017. Nastavak aktivnosti na razvoju indeksa proizvođačkih cijena u uslužnim djelatnostima - SPPI (Aneks D, EU STS Regulative) biće podržan kroz novi IPA 2015 Twinning Projekat.

ENERGETSKA STATISTIKA

Godišnja statistika energije

Agencija je po prvi puta publikovala ukupni statistički energetska bilans za BiH, referentna 2015. godina. Metodologija za prikupljanje podataka za izradu energetska bilansa, forma i sadržaj su usklađeni sa standardima i preporukama IEA/OECD i Eurostat-a. Godišnja saopćenja energetska bilansa električne i toplotne energije, uglja, koksa, prirodnog plina i nafte/naftnih derivata se redovno publikuju. Agencija redovno popunjava i izvještava pet zajedničkih Eurostat/OECD/UNECE godišnjih upitnika (Joint Eurostat/ OECD/ UNECE questionnaires).

Mjesečna statistika energije

Redovno su publikovana mjesečna saopćenja kratkoročnih pokazatelja statistike energije (električna energija, plin i ugalj). Metodologija za prikupljanje mjesečnih podataka usklađena je sa međunarodnim standardima Eurostat-a (Regulativa 1099/2088) i IEA/OECD.

Cijene energenata

Redovno se publikuju polugodišnja statistička saopćenja o prosječnim cijenama električne energije i cijenama plina distribuiranog plinovodom, i vrši se redovno izvještavanje prema Eurostat-u. Cijene su prikazane za dvije kategorije potrošnje, domaćinstva i industriju, prema metodologiji Eurostat-a. Prema metodologiji Eurostat-a, cijene električne energije se izračunavaju na osnovu sistema grupa standardne potrošnje definisane po obimu godišnje potrošnje električne energije.

Agencija za statistiku je izvršila redovno izvještavanje Eurostat upitnika o indikatorima tržišta za električnu energiju i prirodni plin (Questionnaire on European electricity market indicators).

STATISTIKA SAOBRAĆAJA

Cestovni, željeznički i vazdušni saobraćaj

Kroz IPA MBP 2014 statistički program saradnje – implementacija pilot projekta statistike saobraćaja (Transport Statistics PP13), određeni su specifični ciljevi projekta: Razumjevanje nacionalnog transportnog sistema u zemlji, i glavni izazovi, uključujući postojeće i potencijalne module saobraćaja; Razumjevanje nacionalnog statističkog sistema u zemlji, osobito institucija koje čine taj sistem, njihove veze, važeće zakonske odredbe, izazovi; Razumijevanje nacionalnog statističkog sistema u zemlji o transportnim aktivnostima i sistemima;

Analiza (pregled) prema modulima saobraćaja: postojeći i potencijalni izvori informacija, procedure prikupljanja i proizvodnje podataka; Korištene metodologije (koncepti, definicije i klasifikacije), postojeće baze podataka; Analiza i diseminacija, kontrola kvaliteta i postojeća međunarodna koordinacija; Identifikacija prioritetnog modula saobraćaja za transmisiju podataka, identifikacija ključnih akcija za harmonizaciju statistike saobraćaja sa EU acquis.

Rezultat projekta je pregled aktivnosti u cestovnom, željezničkom i vazdušnom saobraćaju; Pregled transportnih sistema i politika i strategija u ovoj oblasti; Upoznavanje sa EU zahtjevima u statistici transporta i izrađen Akcioni Plan u skladu sa tim zahtjevima; Poboljšana institucionalna saradnja između aktera nacionalnog statističkog sistema i drugih relevantnih institucija; Poboljšan kvalitet i usporedivost podataka i usklađenost sa standardima EU u pogledu koncepata, definicija i klasifikacija.

Redovno su publikovana kvartalna i godišnja saopćenja statistike saobraćaja za sljedeće module saobraćaja: cestovni i gradsko-prigradski, željeznički i vazdušni saobraćaj.

Redovno su publikovana kvartalna statistička saopćenja *“Granični promet robe i cestovnih teretnih motornih vozila”*, kao i *„Granični promet putnika i putničkih motornih vozila“*. Redovno su publikovana godišnja saopćenja *„Registrovana cestovna motorna vozila, 2015“* i *„Prvi puta registrovana cestovna motorna vozila, 2015“*.

Preduzete su dodatne aktivnosti u svrhu prikupljanja nedostajućih podataka UNECE upitnika željezničkog i cestovnog saobraćaja.

STATISTIČKI POSLOVNI REGISTAR

Ažuriranje statističkog poslovnog registra i upravljanje kvalitetom SPR

Rad na razvoju i unaprijeđenju Statističkog poslovnog registra (SPR) prema EU Regulativi za statistički poslovni registar (Statistical Business Register Regulation EC No. 177/2008), je nastavljen.

Redovno se vrši ažuriranje SPR-a podacima iz različitih administrativnih izvora, kao i podacima prikupljenim kroz statističkih istraživanja.

Prema godišnjem planu SPR-a za 2016. godinu, pripremljeno je i provedeno posebno SPR istraživanje o jedinicama Statističkog poslovnog registra sa ciljem unaprijeđenja kvaliteta podataka o statusu aktivnosti preduzeća. Na osnovu prikupljenih podataka provedenog istraživanja, pored ažuriranja statusa aktivnosti preduzeća, istovremeno su kroz ovo istraživanje provjereni i podaci o šifri glavne djelatnosti, adresni podaci i nazivu preduzeća na izabranim jedinicama.

Planirane aktivnosti na uvođenju grupa preduzeća, institucionalnih sektora i osnovnih demografskih događaja u SPR su se odvijale kroz projekat IPA Twinning 2012. U 2016. je realizirano 6 misija od kojih je jedna naknadno odobrena kao i jedna studijska posjeta u Zagreb vezana za obuku o grupama preduzeća. Kao rezultat aktivnosti osigurana je metodološka osnova za uvođenje grupa preduzeća i praćenje poslovne demografije preduzeća u SPR-u. Kroz isti projekat izvršena je tehnička priprema za implementaciju institucionalnih sektora u SPR. Rezultat nije u potpunosti ostvaren jer će implementacija biti moguća nakon što se donese odluka o zajedničkim pravilima od strane Nacionalnih računa.

Cilj ovih aktivnosti je dalje usklađivanje sa EU SPR Regulativom 177/2008, a što će ujedno predstavljati osnovu za implementaciju nove EU regulative za integraciju poslovnih statistika – FRIBS (Framework Regulation Integrating Business Statistics).

U okviru IPA 2014 MB projekta su započete aktivnosti na uvođenju grupa preduzeća kao obavezne statističke jedinice u SPR.

U 2016. nastavljena je izrada i objavljivanje saopćenja o broju preduzeća (bez preduzetnika) u SPR-u. Saopćenje sadrži podatke o broju preduzeća razvrstanih po ekonomskim djelatnostima, klasama zaposlenih i klasama prihoda.

Nastavljene su aktivnosti na realizovanju specifičnih zahtjeva internih i eksternih korisnika za različite potrebe, uključujući i ekonomske analize.

Redovno se radi na međunarodnim izvještajima i dostavljanju podataka za godišnji izvještaj „EUROSTAT Annual Business Register Questionnaire“, godišnji izvještaj za UNECE i godišnji izvještaj za Svjetsku banku „World Bank Group Entrepreneurship Survey“. Procjene o usaglašenosti SPR BiH sa EU standardima, redovno se dostavljaju u EUROSTAT Compliance Monitoring (SMIS+).

Svi poslovi na SPR-u podrazumijevaju blisku saradnju sa entitetskim zavodima za statistiku i zahtjevaju neophodnu i stalnu podršku IT sektora, što uključuje doradu aplikacija, izradu novih alata za pretraživanje baze, kao i realizovanje svih korisničkih zahtjeva. U tom smislu nastavljeno je dalje unaprijeđene saradnje.

STATISTIKA POLJOPRIVREDE

Statistika biljne proizvodnje

U skladu sa planom statističkih istraživanja za 2016. godinu osnovni podaci iz područja godišnjih statistika usjeva su kompilirani, agregirani i objavljeni za nivo BiH:

- Podaci jesenje i proljetne sjetve za 2016. godinu
- Podaci o požnjevenim površinama i ostvarenim prinosima ranih i kasnih usjeva u 2016. godini za nivo BiH za glavne skupine i vrste usjeva: žitarice, industrijsko bilje, mahunarke, povrće i stočno krmno bilje, voće, masline i grožđe.

Usuglašenost sa međunarodnim standardima je poboljšana, posebno po pitanju glavnih pokazatelja i liste nedostajućih usjeva (površine u ha, proizvedene količine i prosječan prinos) u skladu sa regulativom Uredbi 543/2009/EC kao i u skladu sa novom Priručniku za godišnju statistiku usjeva za 2016. godinu (rađen na osnovu Uredbe 543/2009/EC, Džentimentskog ugovora i ESS ugovora). Podaci se dostavljaju redovno FAO-u.

Putem e-DAMIS web aplikacije slijedeći setovi podataka su dostavljeni Eurostat-u u 2016. godini: Godišnja statistika usjeva: CROPROD_ARAAR_A, CROPROD_ARAPR_A, CROPROD_ARAYI_A, CROPROD_ARAHU_A, CROPROD_ARAVEG_A, CROPROD_ARAPER_A i CROPROD_ARAUAA_A

U sklopu IPA MBP 2014 za komponentu PP21 Godišnja statistika usjeva implementirane su slijedeće aktivnosti:

- Urađen je Prvi izvještaj (First Report) koji je usvojen od strane Eurostat-a.
- Ažuriran je i Izvještaj o kvaliteti koji je poslan Eurostat-u za područje Godišnje statistike usjeva.
- Nastavljena su dodatna poboljšanja na obrascima i metodologiji za Pilot istraživanje o zasijanim površinama i ranim procjenama prinosa važnijih usjeva (upitnik, instrukcije, terenski rad, aplikacija za unos, tabeliranje).
- Održani sastanak osoblja tri statističke institucije sa ministarstvima poljoprivrede u cilju jačanja međuinstitucionalne saradnje i potpisivanja sporazuma o saradnji.
- Urađeni prvi prijedlozi metodologija za petogodišnja istraživanja u području strukturnih statistika voćnjaka i vinograda.

Statistika stočarstva, mlijeka i jaja

U 2016. godini za nivo BiH su se redovno obrađivali i diseminirali podaci o brojnom stanju stoke i stočne proizvodnje (godišnje istraživanje). Također Agencija za statistiku redovno prikuplja i objavljuje podatke (mjesečna periodičnost) o klanju stoke i peradi u klaonicama. Navedni podaci su se prikupljeni od strane entitetskih statističkih institucija i podružnice BD, na osnovu usklađenih varijabli i indikatora. Podaci su dati po vrstama domaćih životinja i kategorijama, a u skladu sa Uredbom 1165/2008/EC.

U saradnji sa entitetskim statističkim zavodima u 2016. godini na osnovu uvedenih redovnih statističkih istraživanja kompilirani također su objavljeni su podaci iz:

- Mjesečni izvještaj o prikupljanju kravljeg mlijeka i proizvodnje mliječnih proizvoda u mljekarama
- Mjesečnog izvještaja o aktivnosti valionica/inkubatorskih stanica

- Godišnjeg izvještaja o strukturi valionica/inkubatorskih stanica

Početne aktivnosti oko uspostavljanja uzorka iz rezultata Popisa stanovništva 2013 (u sklopu IPA MBP 2014) za dio poljoprivrednih gazdinstava koji drže stoku su započete krajem 2016. godine i biti će nastavljene u 2017. godini (set pitanja iz poljoprivrede).

Putem e-DAMIS web aplikacije slijedeći setovi podataka su dostavljeni Eurostat-u u 2016. godini:

- Mjesečni izvještaj o aktivnosti valionica: ANI_HATACTI_M_EGGS; ANI_HATACTI_M_CHICKS
- Mjesečni izvještaj o prikupljanju kravljeg mlijeka i proizvodnji mliječnih proizvoda: BA_MILK_TABLEA_M
- Mjesečni izvještaj o klanju stoke i peradi u klaionicama: BA_ANI_SLAUGHT_M
- Godišnji izvještaj o brojnom stanju stoke: BA_ANI_LSCATND; BA_ANI_LSPIGND; BA_ANI_LSSHGND

Godišnji izvještaj o strukturi valionica: BA_ANI_HATSTRU

POLJOPRIVREDNE STRUKTURE

Popis poljoprivrede

Aktivnosti poboljšanja statistike poljoprivrede po pitanju strukturnih statistika planirane u 2016. godini su dijelom ispunjena.

Izvršena je validacija seta pitanja iz poljoprivrede iz Popisa stanovništva 2013. Podaci za poljoprivredna domaćinstva koja obavljaju poljoprivrednu aktivnost su objavljeni u junu 2016. godine. Dobijen je adresar poljoprivrednih gazdinstava (oko 360.000) sa svim identifikacionim i poljoprivrednim varijablama, što predstavlja okvir za poseban Popis poljoprivrede i otpočinjanje redovnih istraživanja u oblasti godišnjih statistika usjeva i statistike stočarstva na bazi uzorka.

Planirane aktivnosti po pitanju pripreme Zakona o popisu poljoprivrede nisu realizovane, kao i aktivnosti vezane za samu Pripremu popisa poljoprivrede. Nema zajedničkog stava po pitanju jedinstvenog zakonskog okvira, o čemu je Agencija tokom 2016. redovno izvještavala relevantne institucije. Proces priprema za popis poljoprivrede je zaustavljen, te je EK otkazala projekat vezan za pripreme za popis poljoprivrede iz IPA 2012 (1,0 mil. EUR) jer jedinstveni zakonskog okvira nije donešen.

Agencija je mišljenja da se Popis poljoprivrede u BiH (kao najvažnije i veoma skupo i kompleksno istraživanje) ne može provesti bez donošenja Zakona o popisu poljoprivrede iz razloga definiranja datuma popisa, organizacije, obezbjeđenje sredstava i dr.), kao što je praksa u svim susjednim zemljama i zemljama EU.

Ne postoji zajednički stav oko jedinstvenog Zakona na nivou BiH (RZS RS je stava da zakon na nivou BiH nije potreban, dok Agencija i FZS smatraju da je Zakon na nivou BiH neophodan). I pored uključenja predstavnika EK i Eurostat-a kroz Pododbor za poljoprivredu i Pododbor za ekonomska pitanja i statistiku i dalje nema zajedničkog stava po pitanju zakonodavne regulative kojom bi se proveo Popis u BiH.

POLJOPRIVREDNI RAČUNI I CIJENE

Statistika cijena u poljoprivredi

U 2016. godini nastavljen je rad na poboljšanju statistike cijena outputa i inputa u poljoprivredi. Objavljene su godišnje cijene i indeksi cijena outputa na kvartalnom (QI-IV 2015) i godišnjem nivou za vremensku seriju 2010-2015 za nivo BiH (2010=100) na osnovu provedenih kvartalnih istraživanja od strane entitetskih statističkih zavoda.

Agregirani su i izračunati indeksi cijena inputa I za nivo BiH na kvartalnom i godišnjem nivou 2010 – 2015, na osnovu kvartalnih istraživanja cijena inputa od strane entitetskih statističkih zavoda.

Na osnovu preporuka implementiranog projekta IPA 2012 MBP izvršen je eksperimentalni obračun računa proizvodnje kao dijela ekonomskih računa u poljoprivredi za 2011-2015.

STATISTIKA ŠUMARSTVA

Istraživanja o proizvodnji i cijenama šumskih sortimenata

U 2016. godini podaci o proizvodnji, prodaji i zalihama šumskih sortimenata su se redovno prikupljali od strane entitetskih statističkih zavoda na osnovu mjesečnih istraživanja (proizvodnja, prodaja i zalihe). Podatke o proizvodnji šumskih sortimenata Agencija u 2016. godini je publikovala kroz kvartalna i godišnja SAOPĆENJA. Podaci šumarstva za 2015. godinu su dostavljeni UNECE-u kroz zajednički upitnik UNECE/FAO/EUROSTAT (JFSQ), koji je obuhvatio i set podataka:

- Kompiliranih podataka PRODCOM rezultata, primarne i finalne prerade drveta, celuloze i papira iz godišnjeg istraživanja statistike industrije;
- Vanjskotrgovinskih bilanci proizvoda šumarstva i prerade drveta, celuloze i papira.

Podaci redovnih istraživanja apsolutnih cijena šumskih sortimenata na kvartalnom nivou u 2015. godinu su kompilirani i objavljeni za nivo BiH.

Prikupljeni podaci godišnjeg istraživanja „Ekonomski računi u šumarstvu“- Integrated Environmental and Economic Accounting for Forests – kroz set tabela za 2015. godinu za nivo BiH prosljeđen je u Eurostat putem eDamis web aplikacije.

Prikupljeni su podaci i o procjeni i prognozi indikatora proizvodnje, uvoza i izvoza proizvoda šumarstva, prerade drveta te industrije celuloze i papira (upitnici TF1 i TF2) za 2016. i predviđanja za 2017. godinu u sklopu priprema za sastanak UNECE/FAO Komiteta za šumarstvo i drvnu industriju (COFFI). Prikupljeni su podaci za nivo BiH i isti poslani kroz zajednički FOREST EUROPE/UNECE/FAO upitnik za pan-evropske indikatore održivog upravljanja šumama.

STATISTIKA RIBARSTVA

Statistika akvakulture

Statistika o akvakulturi – U 2016. godini kompilirani su podaci entitetskih statističkih zavoda o akvakulturi na osnovu redovnog istraživanja.

Podaci koji su se prikupili se odnose na podatke o proizvodnji, strukturi objekata, vrijednosti proizvodnje i radnoj snazi. Indikatori su u potpunosti usklađeni sa Uredbom EU broj 762/2008.

5. VIŠEPODRUŽNE STATISTIKE

STRATEGIJA EVROPA 2020 I STRATEGIJA ODRŽIVOG RAZVOJA

Strategija JIE 2020

U okviru IPA MBP 2014 statističkog programa saradnje – implementacija pilot projekta SEE2020 indikatori, preduzete su aktivnosti na poboljšanju i unapređenju sistema prikupljanja podataka za Strategiju razvoja Jugoistočne Europe do 2020 (Strategija JIE 2020), kao i aktivnosti na razvoju nedostajućih indikatora. Agencija koordinira aktivnosti koje se odnose na proizvodnju, diseminaciju i analizu JIE2020 pokazatelja. Većina indikatora nije publikovana, planira se publikovanje ključnih JIE2020 indikatora.

Indikatori održivog razvoja

Agencija je po prvi puta objavila statističku publikaciju sa setom indikatora održivog razvoja, sa idejom da prezentuje široj javnosti koncept održivog razvoja u BiH. U publikaciji su obrađeni pojedini naslovni, operativni i kontekstualni indikatori za sljedeće teme: socio-ekonomski razvoj, održiva potrošnja i proizvodnja, klimatske promjene i energija, održivi transport, prirodni resursi. Agencija je dopunila, metodološki definisala i unaprijedila skup pokazatelja održivog razvoja, definisanih od strane Eurostat-a.

STATISTIKA OKOLIŠA

Statistika otpada i opasnih supstanci

Objavljena su redovna godišnja statistička saopćenja „*Prekogranični promet neopasnog otpada*“, „*Prerada/odstranjivanje otpada*“ i „*Javni odvoz i otklanjanje komunalnog otpada*“, referentna 2015 godina, kao i izvještavanje Eurostat-a sa podacima o komunalnom otpadu, (Dataset WASTE_MUNWAS_A), i dostavljen Izvještaj o kvalitetu.

Agencija za statistiku BiH je uzela aktivno učešće na EEA Eionet webinar radionicama: „*Efikasnost korištenja resursa*“, „*Cirkularna ekonomija za Nacionalne Referentne Centre*“, „*Pravila za efikasno korištenje resursa*“, kao i uzela aktivno učešće na sljedećim webinar radionicama: „*Prevenција nastanka otpada*“.

Saradnja sa evropskom informacionom i posmatračkom mrežom za okoliš (Eionet)

Agencija, u ulozi NRC za praćenje Direktive o ambijentalnoj buci (Environmental Noise Directive), je u Evropsku informacijsku i posmatračku mrežu za okoliš (*Eionet*) postavila dataflow za tematsko područje buka u BiH. Informacije su na linku: <http://cdr.eionet.europa.eu/ba/eu/noise>, čime je osigurana dostupnost podataka o buci okoliša.

Statistika voda

Publikovana su redovna godišnja istraživanja statistike voda o korištenju voda i zaštiti voda od zagađivanja u industriji, javnoj odvodnji i javnom vodovodu za referentnu 2015. godinu. Izvršeno je izvještavanje Zajedničkog upitnika za kopnene vode (Joint Questionnaire for Inland Waters - ENVJQWTR_TB1TO7_A2_BA). Izvršeno je izvještavanje upitnika UNSD/UNEP Questionnaire 2016 on Environment Statistics – sekcija Vode.

NUTS KLASIFIKACIJA

Prijedlog Nomenklature statističkih teritorijalnih jedinica

Od presudne je važnosti za sveobuhvatni bilateralni sporazum o statističkim regijama, uspostavljanje sva tri NUTS nivoa, uključujući informacije o komponentama NUTS 3 i tačne granice regije. Predloženi NUTS 2 nivo se smatra privremenim kao i serije podataka o BDP-u po stanovniku za NUTS 2, sve dok se u potpunosti ne uspostavi Klasifikacija statističkih teritorijalnih jedinica koja uključuje i nivo NUTS III, i dok ne budu raspoloživi podaci iz Popisa stanovništva, domaćinstava i stanova provedenog 2013. godine za nastavak rada.

NAUKA, TEHNOLOGIJA, INOVACIJE

Statistika istraživanje i razvoj

Podaci o ukupnim ulaganjima i o ljudskim resursima u istraživanje i razvoj (R&D) se prikupljaju putem redovnih godišnjih statističkih istraživanja i redovno publikuju za četiri sektora i to: poslovni sektor (BERD), državni sektor (GOVERD), sektor visokog obrazovanja (HERD) i neprofitne organizacije (PNRD).

Podaci o ukupnim budžetskim izdvajanjima za istraživanje i razvoj (GBAORD) se prikupljaju putem godišnjeg statističkog istraživanja i redovno publikuju.

Troškovi za istraživanje i razvoj se prikazuju prema izvorima sredstava, vrsti troškova, vrsti istraživanja, prema djelatnosti, prema naučno-obrazovnim poljima i prema društveno-ekonomskim ciljevima. Obezbijeđeni su podaci o osoblju zaposlenom sa punim radnim vremenom, prema ekvivalentu pune zaposlenosti, prema zvanju i kvalifikacijama, prema polu, po naučnim poljima i po djelatnostima.

Statistika патената

Podaci o patentima (PAT) se prikupljaju putem godišnjeg statističkog istraživanja i redovno publikuju, sa ciljem obezbijeđivanja informacija o uspješnosti istraživanja, razvoja i inovacijskih aktivnosti u odabranim područjima tehnologije. Publikovano je redovno saopćenje „Statistika патената 2015“.

STATISTIKA INFORMACIONIH I KOMUNIKACIJSKIH TEHNOLOGIJA

Podaci o statistici informacijsko-komunikacijskih tehnologija su po prvi puta prikupljeni provođenjem anketnog istraživanja „Upotreba informaciono-komunikacijskih tehnologija u domaćinstvima i pojedinačno“, kao i anketnog istraživanja „Upotreba informaciono-komunikacijskih tehnologija u preduzećima“. Publikovani su podaci istraživanja „Upotreba informaciono-komunikacijskih tehnologija u preduzećima“, referentna 2016. godina.

Istraživanje je provedeno na osnovu Eurostat smjernica, koncepti i definicije koji se primjenjuju u istraživanju usklađeni su sa EU metodologijom za statistiku o Informacijskom društvu, 2016. Istraživanje je pokrilo širok spektar tema (korištenje računara, korištenje interneta, elektronsko poslovanje preduzeća, itd). Podaci su važni za vođenje nacionalnih politika u ovoj oblasti, dok je pozadinski okvir EU politike „Digitalna agenda za Europu“, koja predstavlja strategiju za promociju uspješne digitalne ekonomije u EU do 2020. godine.

Pripremljena je baza podataka statističkog istraživanja „Upotreba informaciono-komunikacijskih tehnologija u domaćinstvima i pojedinačno“, sa imenima varijabli i njihovim opisom u svrhu diseminacije podataka. Publikovanje podataka ovog istraživanja se očekuje početkom 2017. godine.

Redovno je publikovano kvartalno i godišnje saopćenje statistike telekomunikacija (oprema, mreža i usluge). Rezultat saradnje Agencije i Regulatorne agencije za komunikacije (RAK) su poboljšana kvartalna saopćenja statistike informacionih i komunikacijskih tehnologija sa novim podacima koji se odnose na: fiksnu telefonsku mrežu, mobilnu telefonsku mrežu i pristup internetu.

Redovno su publikovana kvartalna saopćenja „*Poštanske usluge*“, referentna 2016.

RAČUNI OKOLIŠA I KLIMATSKE PROMJENE

Ekonomski računi okoliša

Nije uspostavljen okvir za sistemsko praćenje podataka ekonomskih računa okoliša. Provedeno je pilot statističko istraživanje „Investicije, tekući troškovi i prihodi za zaštitu okoliša“, uz pomoć obrasca pripremljenog u skladu s OECD/Eurostat metodologijom na osnovu upitnika Environmental Protection Expenditure and Revenue Joint Questionnaire, i u skladu sa Klasifikacijom aktivnosti i izdataka za zaštitu okoliša (The Classification of Environmental Protection Activities and Expenditure - CEPA). Podatke pilot statističkog istraživanja je Agencija analizirala u cilju pripreme finalnog sadržaja upitnika i prateće metodologije, za redovno godišnje istraživanje u 2017. godini. Agencija je također pripremila dio potrebnog statističkog instrumentarija novog modula ekonomskih računa okoliša „Prihodi od poreza u oblasti okoliša“, koji je uključen u međunarodni statistički standard Sistem integriranih ekonomskih računa okoliša (SEEA).

Agencija je po prvi puta objavila statističko saopćenje „*Domaća potrošnja materijala, 2009-2014*“ prema metodologiji za Ekonomske račune materijalnih tokova (Economy-wide material flow accounts EW-MFA), u skladu sa Regulativom (EU) br. 691/2011 Evropskog parlamenta i Vijeća o evropskim ekonomskim računima okoliša. Domaća potrošnja materijala odražava potrošnju unutar nacionalne ekonomije. Podrazumijeva razmatranje materijala: biomase, fosilnih goriva, minerala i metalnih ruda (domaća eksploatacija materijala i uvoz).

Agencija za statistiku Bosne i Hercegovine je po prvi puta objavila statističko saopćenje „*Produktivnost resursa, 2009-2014*“. Produktivnost resursa je vodeći indikator za Evropsku tabelu za praćenje rezultata u području efikasnosti resursa, u okviru Strategije Evropa 2020. Indikator Produktivnost resursa je bruto domaći proizvod (BDP) podijeljen sa domaćom potrošnjom materijala (DMC).

Redovno su publikovana godišnja saopćenja statistike klimatskih promjena „*Emisije stakleničkih plinova iz poljoprivrede*“ i „*Emisije stakleničkih plinova iz otpada*“, prema metodologiji Revised 1996 IPCC Guidelines for National GHG Inventories i metodologiji mjerenja IPCC Tier 1.

KLASIFIKACIJE

Klasifikacija djelatnosti

Primjena Klasifikacije djelatnosti KD BiH 2010, koja je potpuno usaglašena sa EU važećom klasifikacijom djelatnosti (NACE Rev. 2 European Classification of Economic Activities, Regulation No. 1893/2006), započela je 1.1.2011. Svi poslovni subjekti u SPR imaju šifru djelatnosti po KD BiH 2010 čim je osigurana uporedivost podataka iz SPR-u BiH na evropskom i svjetskom nivou. Shodno zahtjevima brojnih internih i eksternih korisnika, a s ciljem učinkovitije primjene KD BiH 2010, se nastavilo sa pripremom detaljnih tumačenja klasifikacije djelatnosti i njene upotrebe kao i korištenja pripremljenih tabela veza, abecednog indeksa i e-pretraživača. Na sve postavljene upite je blagovremeno odgovoreno.

Klasifikacija proizvoda

U statističkom sistemu BiH trenutno je u upotrebi Klasifikacija proizvoda po djelatnostima - KPPD BiH 2010 (standard CPA 2008, „European Classification of Products by Activity“, EU Regulativa br. 451/2008). U 2016. realizovane su aktivnosti, čija svrha je bila pomoć u implementiranju u smislu detaljnog tumačenja klasifikacije proizvoda i njenog korištenja, kao i korištenja pripremljenih tabela veza za statističke i druge namjene. Trenutno je u toku rad na usklađivanju Klasifikacije proizvoda po djelatnostima BiH 2010 (KPPD BiH 2010) sa statističkom klasifikacijom proizvoda po djelatnostima u Evropskoj ekonomskoj zajednici CPA Ver. 2.1.

Nomenklatura industrijskih proizvoda

U 2016. godini izvršeno je ažuriranje Nomenklature industrijskih proizvoda u skladu sa važećom EU PRODCOM Listom.

Klasifikacija zanimanja

U toku 2016. godine korisnicima klasifikacije zanimanja je pružana kontinuirana pomoć u određivanju odgovarajuće šifre zanimanja za njihove potrebe.

OBUKE

Obuka statističara putem međunarodne saradnje, radionica, sudjelovanja u radu radnih grupa evropskih statističara je kontinuiran proces, kao i obuke putem Agencije za državnu službu BiH.

IT PODRŠKA, STANDARDI I ALATI ZA STATISTIČKU PROIZVODNJU

Popisne aktivnosti IT

- Podrška analizi i obradi podataka Popisa.
- Izvedene sve varijable potrebne za objavu podataka.
- Urađena kontrola i validacija podataka u skladu sa programom obrade.
- Pripremljene izlazne tabele za objavu podataka.

Aplikacije i baze podataka

Trenutno se u Agenciji koristi 48 aplikacije koje služe za unos i obradu podataka dobivenih iz različitih statističkih istraživanja. Na već postojećim aplikacijama se kontinuirano rade unaprijeđenja i izmjene u skladu sa potrebama iskazanim od strane istraživačkih odjeljenja.

Kontinuirano se radi na dizajnu i razvoju novih aplikacija za potrebe statističkih istraživanja u skladu sa zahtjevima predmetnih statističara. Od novih aplikacija u 2016. godini su razvijene aplikacije za panel Anketu o prihodima i uslovima života, Anketa o obrazovanju odraslih za koju je urađen pilot u 2016. godini.

Kontinuirana priprema i izrada svih vrsta izvjestaja za različite potrebe, od analize podataka, potreba vanjskih korisnika pa do odgovora na pitanja iz EU upitnika.

Razvijen je sistem jedinstvenog prijavljivanja u web aplikacije Agencije koje se koriste za prikupljanje podataka. Prikupljeni su referentni metapodaci za 30 istraživanja u ESMS i ESQRS formatima. Razvijen je sistem za unos i održavanje referentnih metapodataka na lokalnom jeziku za potrebe objavljivanja prikupljenih i unesenih podataka na web stranici Agencije.

ICT infrastruktura

- Unaprijeđenje postojeće ICT infrastrukture,
- Podizanje sigurnosti na veći nivo,
- Održavanje IT sistema Agencije,
 - Oprema za obradu podataka popisa u COM-u,
 - Oprema u Agenciji za statistiku BiH,
 - Oprema u Brčko distriktu BiH (D&R i backup centar),
- Održavanje sistema VoIP telefonije.

INFORMISANOST I DISEMINACIJA

Publikacije, saopćenja, web stranica, Intranet

Odsjek za uredništvo je u skladu s Kalendarom za objavljivanje statističkih podataka u protekloj, 2016. godini publikovao:

- 343 saopćenja sa statističkim podacima za različite referentne periode
- 18 godišnjih tematskih biltena za specifične statističke oblasti
- 2 metodološka dokumenta

Sve objavljene publikacije i saopćenja lektorisana su i pripremljena na sva tri lokalna jezika te engleski jezik. Dokumenti su dostupni na zvaničnoj stranici Agencije www.bhas.ba, i u printanoj formi.

Odnosi sa javnošću

U okviru Programa jačanja javnih institucija u BiH koji po nalogu Vlade SR Njemačke provodi GIZ, radna grupa za Komunikacije i upravljanje znanjem čiji smo i mi članovi, sa još tri institucije korisnice, Uredom koordinatora za reformu javne uprave, Direkcijom za evropske integracije i Agencijom za razvoj visokog obrazovanja i osiguranje kvaliteta, pokrenula je sredinom 2015. godine inicijativu za unaprijeđenje transparentnosti u javnoj upravi. U saradnji sa organizacijama civilnog društva izrađeni su standardi proaktivne transparentnosti u javnoj upravu u BiH kojima je definisano 38 dokumenata i specifičnih vrsta informacija klasifikovanih u šest kategorija informacija. U maju 2016. godine, Centar za društvena istraživanja Analitika je proveo istraživanje o ispunjenosti standarda proaktivne transparentnosti, odnosno dostupnosti dokumenata/ informacija na web stranicama 68 institucija na

državnom nivou. Analiza web stranica je urađena po drugi put u septembru 2016. godine, kako bi se zabilježili progres i trendovi u objavljivanju informacija od javnog značaja.

MEĐUNARODNA SARADNJA I EVROPSKE INTEGRACIJE

Pretpristupni programi EU i ostali donatorska sredstva dostupna u BiH koriste se u statistici za osiguravanje tehničke pomoći, odnosno profesionalnu obuku statističkog osoblja i provođenje određenih statističkih istraživanja (uglavnom pilot istraživanja koja do sada nisu bila implementirana u BiH). Time se postepeno BH statistika približava EU i drugim važećim standardima.

U 2016. godini Agencija je nastavila sa implementacijom nacionalnog Twinning IPA 2012 projekta (koji je krajem godine završen) i koji je zahtjevao dodatne napore svih uključenih. Ipak najveći broj uposlenih je bio angažiran na implementaciji IPA 2014 MBP (Višekorosnički regionalni projekat) projekat. Ostali važni projekti za BH statističare su bili i Sida regionalni projekat, GIZ višekorosnički projekat za BH institucije kao i tehnička pomoć za obradu popisnih podataka.

Za sve navedene projekte međunarodna saradnja je pružala logističku podršku i vršila koordinaciju unutar BiH.

U 2016. statistika je bila uključena u programiranje za IPA II fond (za 2017. godinu) i pripremljen je prijedlog novog Twinning projekta koji je usaglašen između tri BH statističke institucije i CBBiH. Međunarodna saradnja je vršila redovno praćenje Evropskog partnerstva i svih drugih obaveza koje ima statistika. Svi izvještaji su dostavljani pravovremeno na adrese relevantnih institucija u zemlji, EU (Eurostat) i drugim međunarodnim organizacijama.

7. ADMINISTRATIVNA PODRŠKA

UPRAVLJANJE IT INFRASTRUKTUROM

Razmjena podataka sa EUROSTAT-om vrši se putem jedinstvenih programskih alata koje je omogućio EUROSTAT. Unaprijeđena je postojeća ICT infrastruktura, kako kroz nabavku nove opreme tako i kroz uvođenje standarda. Nastavljene su aktivnosti na implementiranju IT strategije. Razmjena podataka sa EUROSTAT-om se vrši kontinuirano putem programskih alata.

LJUDSKI RESURSI

Normativno – pravna djelatnost

U 2016. godini su usvojeni:

Plan rada Agencije za statistiku Bosne i Hercegovine za 2016. godinu je usvojilo Vijeće ministara Bosne i Hercegovine na svojoj 44. sjednici održanoj 17.2.2016. godine, a Plan rada je objavljen u ("Službeni glasnik BiH" br.21/16).

Kadrovska popunjenost

Pravilnikom o unutrašnjoj organizaciji Agencije (broj 1187/08 od 02. 06. 2008. godine) za vršenje poslova iz nadležnosti Agencije za statistiku BiH sistematizirano je ukupno 192 izvršitelja, i to: direktor 1, zamjenik direktora 2, pomoćnika direktora 9, šefovi odsjeka 23, ostali državni službenici 145, namještenici 12.

U Agenciji čija se unutrašnja organizacija i način rada zasniva na funkcionalnoj povezanosti unutrašnjih organizacijskih jedinica, od ukupno sistematiziranih 192 radna mjesta, na dan 31. 12. 2016. godine

popunjeno je ukupno 117 radnih mjesta (što procentualno iznosi 60,9% od ukupnog broja sistematiziranih radnih mjesta), od čega je: direktor 1, zamjenik direktora 2, pomoćnik direktora 2, načelnik odjela 1, rukovodilac podružnice 1, šefova odsjeka 19, ostalih državnih službenika 81, namještenika 10.

UPRAVLJANJE FINANSIJSKIM SREDSTVIMA

Izvršenje budžeta na dan 31.12.2016.

| KONTO | OPIS | Budžet za 2016. | Izvršenje 2016. | Indeks |
|-------------|--|------------------|------------------|------------|
| I | TEKUĆI IZDACI | 4.430.734 | 4.108.420 | 93 |
| 6111 | Bruto plaće i naknade | 3.357.000 | 3.241.730 | 97 |
| 6112 | Naknade troškova zaposlenih i skupštinskih zastupnika | 375.000 | 305.803 | 82 |
| 6131 | Putni troškovi | 108.596 | 106.579 | 98 |
| 6132 | Izdaci telefonskih i poštanskih usluga (PTT) | 80.000 | 46.345 | 57 |
| 6133 | Izdaci za energiju i komunalne usluge | 70.000 | 67.508 | 96 |
| 6134 | Nabavka materijala | 60.000 | 27.905 | 47 |
| 6135 | Izdaci za usluge prijevoza i goriva | 20.000 | 14.693 | 72 |
| 6136 | Unajmljivanje imovine i opreme | 220.000 | 213.712 | 97 |
| 6137 | Izdaci za tekuće održavanje | 60.000 | 28.145 | 46 |
| 6138 | Izdaci osiguranja, bankarskih usluga i usluge platnog prometa | 7.000 | 2.685 | 38 |
| 6139 | Ugovorene usluge | 73.138 | 53.317 | 69 |
| II | KAPITALNI IZDACI | 50.000 | 49.996 | 100 |
| | Nabavka opreme | 50.000 | 49.996 | 100 |
| | UKUPNO - RASHODI FINANSIRANI IZ BUDŽETA (I-II) | 4.480.734 | 4.158.416 | 93 |
| II a | Višegodišnji program - Popis stanovništva -prenesena sredstava | 896.176 | 425.549 | 47 |
| | Tekući izdaci za Popis stanovništva | 711.995 | 404.834 | 57 |
| | Nabavka opreme za Popis stanovništva | 184.181 | 20.715 | 11 |
| | UKUPNO RASHODI FINANSIRANI IZ BUDŽETA (I+II+II a) | 5.376.910 | 4.583.965 | 85 |
| III | PROGRAMI POSEBNE NAMJENE | | | |
| | Grant EC za Popis stanovništva | 468.175 | 0 | 0 |
| | Donacija Vlade BD za Popis stanovništva u BiH | 148.036 | 148.036 | 100 |
| | Anketa Prošireni HBS | 12.403 | 0 | 0 |
| | IPA Twinning 2008 I 2012 | 10.735 | 10.735 | 100 |
| | Donacija Vlade BD | 301.742 | 102.712 | 34 |
| | Ostale donacije | 377.269 | 62.210 | 16 |
| | Transfer FZS | 11.811 | 0 | 0 |
| | Anketa o potrošnji energije -APED | 10.248 | 10.248 | 100 |
| | UKUPNO III UKUPNO PROGRAMI POSEBNE NAMJENE | 1.340.419 | 333.941 | 25 |
| | UKUPNO (I+II+IIa+III) | 6.717.329 | 4.917.906 | 73 |

Napomena: presjek stanja je sa 30.01.2017. godine. Agencija je ostvarila prihod od prodaje vozila u iznosu od 28.596 KM, što nije planirano u 2016. godini. Ova sredstva su upotrebljena za nabavku novog vozila, uz prestrukturiranje u iznosu od 21.404 KM.

PROBLEMI U REALIZOVANJU PLANA RADA AGENCIJE ZA STATISTIKU BiH

Administrativni podaci za ekonomske i poslovne statistike

Nakon što su otklonjene zakonske prepreke za dostavu podataka Uprave za indirektno oporezivanje iz PDV baze podataka, još uvijek nije definisan način dostave i preuzimanja podataka između Agencije za statistiku i Uprave za indirektno oporezivanje. Pripremljen je dopunjeni prijedlog Protokola o razmjeni podataka između Uprave za indirektno oporezivanje i Agencije i isti je dostavljen UIO na razmatranje.

Master plan za razvoj statistike Nacionalnih računa

Izrada Master plana za razvoj statistike Nacionalnih računa u BiH, koji je nastao kao rezultat implementacije projekta IPA 2011 MBP, trebao je da stvori pretpostavke za implementaciju evropskih standarda i zahtjeva u ovoj statističkoj oblasti. Njegovim neprihvatanjem od strane Republički zavod za statistiku RS (RZS RS), statistika Nacionalnih računa BiH se i dalje nalazi u vrlo kompleksnoj situaciji što će, uzimajući u obzir intenziviranje zahtjeva za dostavu podataka za BiH predstavljati značajno ograničenje. Najvažniji problem o kome se ne može postići dogovor je konceptualni okvir za kompilaciju Nacionalnih računa. RZS RS smatra da svaki entitet treba da razvije pun set računa koje će Agencija jednostavno agregirati, Federalni zavod za statistiku smatra (FZS) da entiteti treba da razviju onaj dio sistema koji je u skladu sa EU regulativom relevantan za entitete (NUTS 2) i podrže razvoj onih dijelova sistema koji je moguće i jedino razviti na nivou ukupne nacionalne ekonomije (otuda i naziv nacionalni računi). Uzimajući u obzir postojeću zakonsku regulativu u BiH, kao i EU statističke preporuke i standarde, Agencija je prihvatila mišljenje FZS.

Harmonizovani indeks potrošačkih cijena

Agencija kontinuirano radi na harmonizaciji postojećeg Indeksa potrošačkih cijena sa važećim regulativama i praksama zemalja članica EU. Najveći problem pri tome jeste činjenica da je RZS RS odbio učešće u projektu na način od kojeg mi ne možemo odstupiti. Harmonizovani indeks potrošačkih cijena jeste ključni indikator koji se koristi isključivo za međunarodna poređenja inflatornih kretanja u zemljama članicama EU te stoga ne vidimo potrebu da se kao takav izračunava na nivou entiteta. U našim pregovorima sa entitetskim zavodima FZS je pristao na saradnju u cilju razvoja pomenutog indikatora na nivou BiH, dok je RZS RS insistirao na tome da žele istovrstan indeks i za nivo RS. Iako to nije praksa u drugim zemljama mi smo pristali da se indeks ipak izračunava, ali pod uslovom da se kao ponderi koriste zvanično objavljeni podaci o BDP za nivo BiH, odnosno top-down pristup strukturi pondera. RZS RS je odbio takvu ponudu te je Agencija nezavisno sklopila Service Contract za razvoj HICP-a unutar IPA projekta unutar kojeg je dosta toga napravljeno, ali za nastavak nam je nužna bolja saradnja sa entitetima.

Definisanje sektora i podsektora opće vlade

Na misiji u okviru IPA 2012 TWINNING projekta, koja je održana u mjesecu oktobru 2015. i na kojoj je razmatrana metodologija uspostave sektora i podsektora opće vlade u BiH, eksperti iz Finske su preložili šemu Sektora i podsektora opće vlade za BiH.

Oko ovog prijedloga nije postignut dogovor. Nastala situacija je prezentovana na Upravnom odboru projekta, na kome je zaključeno da se formirana Radna grupa sastane i pokuša riješiti ovo pitanje, a u slučaju da se dogovor ne postigne odluku treba donijeti na višem nivou, odnosno sastanku direktora. Radna grupa je održala tri sastanka. Na dva sastanka su učestvovali samo predstavnici statističkih institucija, Centralne banke BiH i Ministarstava finansija svih nivoa vlasti, dok je treći sastanak

organizovan uz prisustvo eksperata iz Finske, koji su i definisali prijedlog pod-sektora za sektor vlade u BiH. Dogovor nije postignut. S ciljem rješavanja ovog problema Agencija za statistiku je predložila da Eurostat arbitrira kod ovog problema, međutim još uvijek nismo dobili saglasnost RZS RS o provođenju ove aktivnosti.

Nepostojanje okvira za izbor uzoraka domaćinstava i pojedinaca iz Popisa stanovništva, domaćinstava i stanova 2013.

Konačni rezultati Popisa su objavljeni krajem juna 2016. godine. Međutim, tek se nakon finalne IMO misije i preporuke članova IMO tima (kraj septembra i polovina oktobra 2016. godine) pristupilo ozbiljnijem pripremanju finalne baze Popisa koja bi predstavljala okvir uzorka za anketna istraživanja na bazi domaćinstava. Zbog kompleksnosti posla i potrebe da se zaštite podaci na adekvatan način bilo je potrebno neko vrijeme da se ista pripremi. Zbog svega ovoga, te činjenice da ankete imaju svoje referentne periode koji se moraju poštovati, a u cilju održavanja kontinuiteta provođenja svih istraživanja na bazi domaćinstava u 2016. godini nastavljeno je sa korištenjem postojećeg Master uzorka iz 2009. godine kao jedinog dostupnog okvira domaćinstava za izbor uzorka. Treba još jednom istaći da je isti prestar i previše iskorišten, ali i jedini moguć okvir u tom trenutku. Zbog toga ankete provedene na uzorcima iz ovog okvira zadnjih godina rezultiraju sa sve većim stopama neodgovora, što rezultira manjom efikasnosti ovih istraživanja, rasipanjem resursa i može dovesti do pristrasnosti dobijenih rezultata. Razlozi za ovakvu odluku se nalaze i u činjenici da je Sektoru za stanovništvo i društvene statistike potrebno vrijeme da se iz baze podataka Popisa stanovništva kreira okvir uzorka, a i Sektoru za statističke metodologije, standarde, planiranje, kvalitet i koordinaciju je potrebno vrijeme za pripremu i izradu kompleksnih dizajna uzoraka za nekoliko anketa za koje se planira značajna promjena dizajna uzorka i načina prikupljanja i analize podataka (kontinuirana Anketa o radnoj snazi, Anketa o prihodima i uslovima života i sl.).

Popis poljoprivrede

Planirane aktivnosti po pitanju pripreme Zakona o popisu poljoprivrede nisu realizovane, kao i aktivnosti vezane za samu Pripremu popisa poljoprivrede. Nema zajedničkog stava po pitanju jedinstvenog zakonskog okvira, o čemu je Agencija tokom 2016. redovno izvještavala relevantne institucije. Proces priprema za popis poljoprivrede je zaustavljen, te je EK otkazala projekat vezan za pripremu za popis poljoprivrede iz IPA 2012 (1,0 mil. EUR) jer jedinstveni zakonskog okvira nije donešen. Agencija je mišljenja da se Popis poljoprivrede u BiH (kao najvažnije i veoma skupo i kompleksno istraživanje) ne može provesti bez donošenja Zakona o popisu poljoprivrede iz razloga definisanja datuma popisa, organizacije, obezbjeđenje sredstava i dr.), kao što je praksa u svim susjednim zemljama i zemljama EU.

PRILOZI

PREGLED PUBLIKOVANJA U 2016. GODINI

GODIŠNJI TEMATSKI BILTENI:

1. Bosna i Hercegovina u brojevima 2015
2. Popis stanovništva, domaćinstava i stanova u BiH 2013 – Rezultati popisa
3. Bruto domaći proizvod prema proizvodnom, dohodovnom i rashodnom pristupu 2010 – 2014
4. Indeks potrošačkih cijena u Bosni i Hercegovini 2015
5. Indeks cijena industrijskih proizvođača u Bosni i Hercegovini 2015
6. Robna razmjena BiH sa inostranstvom 2015
7. Strukturne poslovne statistike 2014
8. Industrijska proizvodnja u Bosni i Hercegovini 2015 – PRODCOM rezultati
9. Industrijska proizvodnja u Bosni i Hercegovini 2015 – prethodni PRODCOM rezultati
10. Investicije 2014
11. Investicije 2015
12. Žene i muškarci u BiH
13. Anketa o radnoj snazi 2016
14. Socijalna zaštita u BiH 2009 - 2014
15. Socijalna zaštita u BiH 2010 – 2015
16. Kultura i umjetnost 2014
17. Kultura i umjetnost 2015
18. Indikatori održivog razvoja Bosne i Hercegovine 2014

SAOPĆENJA:

MJESEČNA SAOPĆENJA (204)

1. Statistika robne razmjene BiH sa inostranstvom, 12
2. Zaposleni po djelatnostima, 12
3. Registrovana nezaposlenost, 12
4. Prosječne mjesečne isplaćene neto plaće zaposlenih, 11
5. Prosječne mjesečne bruto plaće zaposlenih, 11
6. Indeks obima industrijske proizvodnje u Bosni i Hercegovini, 12
7. Mjesečni indeksi industrijske proizvodnje za Bosnu i Hercegovinu, 12
8. Indeks proizvođačkih cijena industrije u Bosni i Hercegovini, 12
9. Indeks potrošačkih cijena u Bosni i Hercegovini, 12
10. Prosječne potrošačke cijene u Bosni i Hercegovini, 12
11. Statistika trgovine na malo - Indeksi prometa trgovine na malo u BiH, 12
12. Statistika turizma, 12
13. Statistika turizma, kumulativni podaci, 11
14. Poljoprivreda - Prikupljeno kravlje mlijeko i proizvedeni mliječni proizvodi, 12
15. Poljoprivreda - Klanje stoke i peradi u klaonicama, 12
16. Poljoprivreda - Mjesečni izvještaj o aktivnosti inkubatorskih stanica, 12
17. Kratkoročni pokazatelji energetske statistike, 15

KVARTALNA SAOPĆENJA (77)

1. Demografija - Prirodno kretanje stanovništva, 3
2. Prosječne isplaćene neto plaće zaposlenih, 4
3. Prosječne mjesečne bruto plaće zaposlenih, 4
4. Cijene prodatih novih stanova u Bosni i Hercegovini, 3
5. Građevinarstvo - Stambena gradnja u Bosni i Hercegovini, 4
6. Građevinarstvo - Stambena gradnja u Bosni i Hercegovini, kumulativ, 2
7. Građevinarstvo - Građevinski radovi u inostranstvu, 4
8. Indeksi proizvodnje u građevinarstvu u Bosni i Hercegovini, 4
9. Izdata odobrenja za građenje u BiH, 4
10. Vrijednost izvršenih građevinskih radova u inostranstvu od strane preduzeća iz BiH, 2
11. Statistika distributivne trgovine, 1
12. Indeks prometa distributivne trgovine u BiH, 3
13. Indeksi prometa u prevoznim i skladišnim djelatnostima u BiH, 4
14. Granični promet robe i cestovnih teretnih motornih vozila, 2
15. Granični promet putničkih motornih vozila i putnika, 2
16. Cestovni, željeznički i vazdušni saobraćaj, 4
17. Šumarstvo - Proizvodnja i prodaja šumskih sortimenata u BiH prema asortimanu, 4
18. Bruto domaći proizvod, 4
19. Indeksi izvoznih i uvoznih cijena BiH, 3
20. Poštanske usluge, 4
21. Elektronske komunikacije, 4
22. Prodaja poljoprivrednih proizvoda na zelenim pijacama, 4
23. Otkup i direktna prodaja/realizacija poljoprivrednih proizvoda, 4

POLUGODIŠNJA SAOPĆENJA (6)

1. Prosječne isplaćene neto plaće zaposlenih, 2
2. Prosječne bruto plaće zaposlenih, 2
3. Cijene električne energije i prirodnog plina, 2

GODIŠNJA SAOPĆENJA (51)

1. Bruto domaći proizvod za Bosnu i Hercegovinu 2015 - proizvodni pristup - prvi rezultati
2. Bruto domaći proizvod za Bosnu i Hercegovinu 2015 - dohodovni pristup - prvi rezultati
3. Bruto domaći proizvod za Bosnu i Hercegovinu 2014 - rashodni pristup - prethodni podaci
4. Indeksi izvoznih i uvoznih cijena BiH 2015
5. Investicije u 2015 - prethodni rezultati
6. Godišnji izvještaj o građevinskim radovima u BiH 2015 – pravni subjekti
7. Vrijednost izvršenih građevinskih radova u inostranstvu od strane preduzeća iz BiH 2015
8. Stambena gradnja u Bosni i Hercegovini 2015
9. Proizvodnja i prodaja industrijskih proizvoda u BiH (PRODCOM) 2015
10. Strukturne poslovne statistike - preliminarni rezultati 2015
11. Strane podružnice u Bosni i Hercegovini (Inward FATS) za 2013. godinu
12. Strane podružnice u Bosni i Hercegovini (Inward FATS) za 2014. godinu
13. Demografija - Prirodno kretanje stanovništva 2015

14. Unutrašnje migracije u Bosni i Hercegovini 2015
15. Anketa o radnoj snazi 2016 - prethodni podaci
16. Poljoprivreda - Godišnji izvještaj o strukturi inkubatorskih stanica, 2015
17. Poljoprivreda - Indeksi cijena u poljoprivredi 2015
18. Poljoprivreda - Zasijane površine i zasadi u jesenjoj sjetvi, 2015
19. Poljoprivreda - Zasijane površine i zasadi na kraju proljetne sjetve 2016
20. Poljoprivreda - Proizvodnja voća, maslina i grožđa, 2015
21. Poljoprivreda - Prodaja poljoprivrednih proizvoda na zelenim pijacama 2015
22. Poljoprivreda - Otkup i direktna prodaja/realizacija poljoprivrednih proizvoda 2015
23. Poljoprivreda - Brojno stanje stoke i peradi i stočna proizvodnja 2015
24. Poljoprivreda - Godišnji izvještaj o akvakulturi 2015
25. Poljoprivreda - Požnjevena površina, ukupna proizvodnja i prinos važnijih usjeva 2015
26. Šumarstvo - Proizvodnja, prodaja i zalihe šumskih sortimenata u BiH prema asortimanu 2015
27. Šumarstvo - Cijene i indeksi cijena šumskih sortimenata u Bosni i Hercegovini 2015
28. Okoliš - Javni odvoz i odlaganje komunalnog otpada 2015
29. Okoliš - Sistem javne odvodnje 2015
30. Okoliš - Korištenje voda i zaštita voda od zagađivanja u industriji 2015
31. Okoliš - Skupljanje i distribucija vode 2015
32. Okoliš - Prerada i odstranjivanje otpada u Bosni i Hercegovini 2015
33. Okoliš - Emisije stakleničkih plinova iz poljoprivrede 2015
34. Okoliš - Emisije stakleničkih plinova iz otpada 2015
35. Okoliš - Otpad iz proizvodnih djelatnosti 2014
36. Statistika energije - Električna i toplotna energija 2015
37. Statistika energije - Ugalj, koks 2015
38. Statistika energije - Prirodni plin 2015
39. Statistika energije - Nafta, derivati nafte 2014
40. Statistika energije - Ukupni energetske bilans BiH 2014
41. Nauka, tehnologija i inovacije - Istraživanje i razvoj 2015
42. Nauka, tehnologija i inovacije - Patentni 2015
43. Saobraćaj - Prvi put registrovana cestovna motorna vozila 2015
44. Saobraćaj - Registrovana cestovna motorna vozila 2015
45. Saobraćaj - Vazdušni saobraćaj 2015
46. Saobraćaj - Telekomunikacijska oprema, mreža i usluge 2015
47. Statistika obrazovanja 2015/2016 - prethodni podaci
48. Statistika obrazovanja 2015/2016 - konačni rezultati
49. Maloljetni počinioci krivičnih djela u Bosni i Hercegovini, 2015
50. Punoljetni počinioci krivičnih djela u Bosni i Hercegovini, 2015
51. Statistika nacionalnih zdravstvenih računa 2014

VIŠEGODIŠNJA SAOPĆENJA (5)

1. Nauka, tehnologija i inovacije - Budžetska izdvajanja za istraživanje i razvoj (2015-2016)
2. Nauka, tehnologija i inovacije – Inovativne aktivnosti preduzeća (2012-2014)
3. Prekogranični promet neopasnog otpada 2009-2015
4. Okoliš i energija - Produktivnost resursa 2010 - 2014
5. Okoliš i energija - Domaća potrošnja materijala 2009 – 2014

I. KLASIFIKACIJE, NOMENKLATURE I METODOLOŠKI DOKUMENTI

1. Strukturne poslovne statistike
2. Godišnja statistika biljne proizvodnje

Distrikt Brčko (32)

- *Statistički bilteni BD BiH: 5*
- *Publikacije BD BiH: 7*
- *Saopćenja: 20*

GODIŠNJI IZVJEŠTAJ
o izvršenju Statističkog plana od posebnog značaja za Brčko distrikt BiH u
2016. godini

UVODNA RIJEČ

Izveštaj o izvršenju Plana statističkih istraživanja od posebnog interesa za Brčko distrikt BiH u 2016. godini podnosi Agencija za statistiku BiH Podružnica/Ekspozitura Brčko u skladu sa članom 33. Zakona o statistici BiH ("Službeni glasnik BiH" broj: 26/04) i članom 6. i 7. Sporazuma o preuzimanju poslova, opreme, finansijskih sredstava i uposlenih Biroa za statistiku Brčko distrikta BiH.

Izveštajem su obuhvaćena sva statistička istraživanja i statističke aktivnosti utvrđene Planom statističkih istraživanja od posebnog interesa za Brčko distrikt BiH u 2016. godini. Sa ciljem dobijanja relevantnih statističkih podataka za većinu statističkih istraživanja izvršen je prošireni obuhvat; u njega su bili uključeni poslovni subjekti sa sjedištem u Brčko distriktu BiH, kao i dijelovi poslovnih subjekata – "Podružnica" koje posluju na teritoriju Brčko distrikta BiH, a sjedište im je u entitetima, mimo utvrđenih kriterija i prakse koja se provodi u entitetima.

Od ukupno 159 statističkih istraživanja i aktivnosti Podružnica/Ekspozitura Brčko provela je 95 statističkih istraživanja oficijalne statistike i 15 ostalih aktivnosti, sedam nadležnih ovlaštenih organa za provođenje statističkih istraživanja provelo je 46 istraživanja, nisu izvršena 3 statistička istraživanja preuzeta iz Plana rada Agencije za statistiku BiH.

U Brčko Distriktu je zaokružen proces proizvodnje statistike sa svim fazama kao i u entitetima. Ažurno je vođen Jedinostveni registar poslovnih i drugih subjekata i njihovih dijelova, Statistički poslovni registar, te Registar prostornih jedinica kao osnova za pravilan i potpun obuhvat jedinica posmatranja.

Pripreman je, štampan i izveštajnim jedinicama upućen statistički instrumentarij za provođenje svih istraživanja. Izvršeni su prijem i kontrola izvješća i ostalih statističkih materijala i proveden je terenski rad. Podaci su obrađivani u skladu sa postojećom metodologijom. Rađene su i dodatne obrade za pojedina statistička istraživanja u slučaju proširenog obuhvata.

Kreirane su baze podataka i korisnicima blagovremeno osiguravani podaci. Prioritetno su osiguravani podaci potrebni poslovnim i drugim subjektima, institucijama Brčko distrikta i građanima u ostvarivanju njihovih prava i obaveza (podaci o BDP, prosječnim plaćama, koeficijentima rasta potrošačkih cijena i sl.).

Dobra je saradnja ostvarena i sa entitetskim zavodima za statistiku.

1. DEMOGRAFSKE I SOCIJALNE STATISTIKE

STATISTIKA STANOVNIŠTVA

Vitalna statistika

Obrađeni su i u zasebnoj tematskoj publikaciji iskazani pokazatelji demografije za period 2011 – 2015. godine, gdje su pored procjena iskazani podaci statistike rođenih, umrlih i zaključenih i razvedenih brakova u serijama po navedenim godinama. Za 2015. godinu iskazani su detaljni podaci.

Procjena broja stanovništva

U 2015. godini izrađene su procjene stanovništva za 2013, 2014. i 2015. godinu pri čemu su po prvi put kao osnov procjene korišteni rezultati Popisa stanovništva, domaćinstava i stanova 2013. godine. Procijenjen je broj ukupnog stanovništva sa prebivalištem na teritoriju Brčko Distrikta BiH, broj prisutnog stanovništva, te broj domaćinstava, koji se koriste za razne druge statističke analize. Kao osnova za procjene korišteni su rezultati obrade demografskih podataka i podaci vitalne statistike sa podacima o migracijama 2013-2015.godine.

STATISTIKA TRŽIŠTA RADA

Statistika zarada, zaposlenosti i nezaposlenosti

U oblasti statistike tržišta rada redovno su prikupljeni i obrađivani podaci o prosječnim neto i bruto plaćama zaposlenih ukupno (pravna lica i samostalni preduzetnici) po klasifikaciji djelatnosti, podaci o nezaposlenima i prosječnim penzijama za Brčko distrikt.

Anketa o radnoj snazi, Anketa o potrošnji domaćinstava i Pilot SILC anketa

Prema utvrđenoj dinamici na godišnjem nivou u aprilu 2016. godine po jedanaesti put je provedena, metodom uzorka, Anketa o radnoj snazi (ARS). Prethodni rezultati ankete objavljeni su u septembru 2016. godine. Kompletni konačni rezultati ove ankete mogu se naći na web stranici Agencije za statistiku BiH.

Početakom 2016. godine završen je terenski rad na prikupljanju podataka za Anketu o potrošnji domaćinstava u BDBiH, na izabranih 942 domaćinstva. Uspješno su anketirana 452 domaćinstva. Podaci za BDBiH će se naći u publikaciji konačnih rezultata Ankete o potrošnji domaćinstava početkom 2017. godine.

Proveden je i terenski rad na Pilot SILC anketi. Za BDBiH izabrano je bilo 20 domaćinstava od kojih je 13 uspješno anketirano i prikupljeni su upitnici za 34 osobe starosti 15 i više godina. Cilj pilot SILC ankete bio je testiranje metodologije i terenskog rada i priprema za punu anketu u 2018. godini.

STATISTIKA OBRAZOVANJA

Statistika osnovnog, srednjeg i visokog obrazovanja

U oblasti statistike obrazovanja provedena su sva statistička istraživanja, a rezultati obrade su iskazani u zasebnoj tematskoj publikaciji. Popunjeni su i poslani u Agenciju Upitnici UNESCO za statistiku predškolskog, osnovnog, srednjeg i visokog obrazovanja za Brčko distrikt BiH.

Od 2014/2015. školske godine primjenjuju se elektronski obrasci za osnovno i srednje obrazovanje. Škole popunjavaju obrasce elektronski i dostavljaju na pripremljenoj aplikaciji.

U 2016.godini krenulo se sa pripremama za provođenje Ankete o obrazovanju odraslih koja će biti relizovana u 2017.godini. Pilot anketa o obrazovanju odraslih u Brčkom je provedena sredinom decembra na izabranom uzorku od 10 domaćinstava.

STATISTIKA KULTURE

Kultura i umjetnost

U toku 2016.godine provedena su statistička istraživanja iz oblasti kulture tj. prikupljeni su podaci o radio i TV stanicama, kinu, pozorištu i bibliotekama, za arhiv i galeriju. Nisu prikupljeni podaci na izvještajima za kulturno umjetnička društva, udruženja građana iz područja kulture, te za festivale. Obrađeni podaci za nivo Brčko distrikta BiH za 2016. godinu, dostavljeni su Agenciji za statistiku BiH.

STATISTIKA ZDRAVSTVA

Iz oblasti statistike zdravstva, a u saradnji sa Odjelom za zdravstvo, izvršena je obrada podataka za posljednju godinu - a rezultati obrade su iskazani u posebnoj tematskoj publikaciji. Predstavnik Podružnice Brčko je bio uključen u projekat Ministarstva civilnih poslova BiH "Reforma javnog zdravstva II" komponenta „Nacionalni zdravstveni računi“. U ovoj oblasti u 2016. obrađeni su podaci i popunjeni upitnici za šest godina unazad, od 2009. do 2014. Upitnici su proslijeđeni Agenciji za statistiku BiH.

STATISTIKA SOCIJALNE ZAŠTITE

U oblasti statistike socijalne zaštite provedena su sva statistička istraživanja, a rezultati obrade su iskazani u zasebnoj tematskoj publikaciji za period od 2011. do 2015. godine. Nastavljeno je sa analizom podataka iz pilot ESSPROS projekta za 2013. godinu, analizirane su prikupljene informacije.

STATISTIKA KRIMINALITETA

Statistička istraživanja ostalih društvenih područja - za područje pravosuđa - kriminaliteta objedinjava Pravosudna komisija, a ostala istraživanja u svom domenu Policija BD. U 2016. nastavljeno je sa, u 2013. godini uspostavljenim novim načinom prikupljanja podataka, kako to entiteti rade, uz punu saradnju Pravosudnih institucija BDBiH i statistike.

2. MAKROEKONOMSKE STATISTIKE

GODIŠNJI EKONOMSKI RAČUNI

Obračun BDP za nivo BiH

Urađen je obračun BDP-a za 2015 godinu po proizvodnom metodu, prema KD BiH 2010. Bruto domaći proizvod po proizvodnom metodu obračunat je na bazi bruto dodane vrijednosti u tekućim cijenama i primjenom metodologija SNA 93 UN i ESA 95 EUROSTAT-a kao jedinstvenog standarda.

Obračunom su obuhvaćene institucionalne jedinice iz svih sektora: nefinansijski sektor, finansijski sektor, sektor Vlade, neprofitne institucije koje služe domaćinstvima i sektor domaćinstava, odnosno obuhvaćena je cijela ekonomija Brčko Distrikta BiH.

Obračun BDP izvršen je na dva načina:

- prema sjedištu osnovnog poslovnog subjekta i pretežnoj djelatnosti za nivo BiH i
- po načelu regionalnih računa sa uključenim podacima za podružnice kako bi se dobili relevantni podaci za lokalne potrebe.

Objavljena je tematska publikacija o BDP-u za Brčko distrikt BiH u 2015. godini po proizvodnom i dohodovnom metodu i u tekućim cijenama sa elementima procjene neobuhvaćenih ekonomskih aktivnosti.

U toku 2016. godine, a u okviru IPA Twinning 2012 projekta urađena je sektorizacija SPR, određena stalna lista te primijenjena automatska pravila za određivanje sektora u SPR za Brčko distrikt BiH. Statistiku finansijskih računa provodila je Filijala CB BiH provođenjem pet mjesečnih statističkih istraživanja utvrđenih godišnjim Planom rada.

Vladine finansije praćene su redovnim provođenjem tri statistička istraživanja Filijale CB BiH: servisiranje vanjskog duga i otplata međunarodnih obaveza, budžetski prihodi i rashodi i neplaćeni javni prihodi, te istraživanjem Direkcije za finansije o bruto naplati prihoda preko uplatnih računa. Podaci su obrađivani, a dijelom i publikovani u redovnoj publikaciji.

Obračun ulaganja sredstava u investicije

Provedeno je statističko istraživanje o investicijama pravnih lica u 2015. godini. Podaci ovog istraživanja su prikupljeni i uneseni u skladu zahtjevima obrasca, a publikacija je objavljena i za prethodne godine sa podacima za preduzeća čije je sjedište u BD BiH (organizacioni princip). 2015. godina je prikazana u publikaciji, sa detaljnim razradama po organizacionom načelu i načelu čistih djelatnosti. Obračuni investicija publikovani su prema KD BiH 2010.

STATISTIKA CIJENA

Indeksi potrošačkih cijena u Brčko distriktu BiH

U oblasti statistike cijena i potrošnje tokom 2016. godine redovno su snimane potrošačke cijene na izabranim mjestima, podaci obrađivani u Agenciji i na osnovu toga objavljujvana saopćenja o kretanju indeksa potrošačkih cijena u Brčko distriktu BiH na mjesečnom nivou.

Na bazi indeksa računati su koeficijenti rasta potrošačkih cijena neophodni za obračun zateznih kamata u skladu odredbama Zakona o zateznim kamatama u Brčko distriktu BiH.

Indeks proizvođačkih cijena

U 2016. godini se nastavilo sa prikupljanjem i unosom podataka potrebnih za obračun Indeksa cijena proizvođača u zajedničkoj aplikaciji za nivo BiH.

STATISTIKA VANJSKE TRGOVINE

U 2016. godini prikupljeni su podaci o vanjskotrgovinskom prometu sa inostranstvom, a objavljena je i tematska publikacija sa detaljnim podacima za 2015. godinu i prvih šest mjeseci 2016. godine, te sa osnovnim podacima za prethodne godine.

3. POSLOVNE STATISTIKE

GODIŠNJE POSLOVNE STATISTIKE

Strukturne poslovne statistike

Provedeno je Strukturno poslovno istraživanje za 743 izabrane pravne osobe u područjima djelatnosti Prerađivačke industrije, Energije, Građevinarstva, Trgovine, Ugostiteljstva i Prometa. izabrana preduzeća (71) popunjavali su detaljni obrazac SPS-D/2015, a 672 skraćeni obrazac SPS-S/2015. Preduzeća registrovana u području Prerađivačke industrije i građevinarstva imala su obavezu da popune i dopunske upitnike iz čijih obrada će se crpiti ponderi za provođenje drugih statističkih istraživanja.

Godišnja statistika industrijske proizvodnje

Provedeno je godišnje istraživanje industrije PRODCOM za 2015. godinu i prikupljeni godišnji podaci o proizvedenim količinama proizvoda za dalju proizvodnju, promjeni zaliha, prodaji proizvoda i sl.

KRATKOROČNE POSLOVNE STATISTIKE

Kratkoročna statistika industrijske proizvodnje

Provođena su istraživanja proizvodne statistike i kratkoročne statistike preduzeća. Mjesečno istraživanje industrije je redovno provođeno, podaci su obrađivani, a indeks fizičkog obujma industrijske proizvodnje je računat za nivo BiH i nivo Brčko distrikta BiH.

Kvartalno istraživanje za područje distributivne trgovine i prometa

U 2016. godini rađeno je kvartalno istraživanje u kome je obuhvaćeno ukupno 387 pravnih lica i to 309 iz područja distributivne trgovine i 43 iz područja Ostalih usluga. Podaci su unošeni, i radi se na obradama.

Kratkoročna statistika građevinarstva

U 2016. godini za potrebe obračuna na nivou BiH prikupljaju se podaci o vrsti građevinskih radova (novogradnja ili rekonstrukcija), koliko se od vrijednosti radova odnosi na niskogradnju, a koliko na visokogradnju i sl., unose se u aplikaciju i objavljuju. Provođi se i istraživanje vezano za izdata odobrenja za gradjenje u Brčko distriktu BiH.

Trgovina na malo

U oblasti trgovine na malo provedena su mjesečna istraživanja na izabranom uzorku od 138 poslovnih subjekata, a obrađeni podaci nisu objavljavani za nivo distrikta, nego su obrade dostavljene Agenciji za statistiku BiH.

Statistika turizma

Istraživanja iz oblasti turizma i ugostiteljstva redovno su provođena, obrada podataka je izvršena, a rezultati obrade publikovani su u redovnim publikacijama.

Promet i komunikacije

Redovno su provođena statistička istraživanja iz oblasti statistike prometa: statistika cestovnog prijevoza putnika, robe, željezničkog transporta, pretovarima i uslugama u pristaništu, poštanskog prometa i telekomunikacija.

STATISTIČKI POSLOVNI REGISTAR

Ažuriranje poslovnog registra

Nastavljene su aktivnosti vezane za unapređenje statističkog poslovnog registra kroz njegovo dopunjavanje podacima i ažuriranje prema dinamici utvrđenoj od strane Agencije za statistiku BiH. Statistički poslovni registar (SPR) je počeo da funkcioniše u 2009. godini. Tokom 2016. godine rađeno je na metodologiji za uvođenje sektora, grupa preduzeća i poslovne demografije.

U 2016. godini je Agencija redovno dobijala podatke od Porezne uprave Brčko distrikta BiH vezano za broj zaposlenih na mjesečnom nivou u skladu sa potpisanim Sporazumom o razmjeni podataka sa Direkcijom za finansije Brčko distrikta BiH, i ovim podacima se kvartalno ažurirao SPR.

4. STATISTIKA POLJOPRIVREDE, ŠUMARSTVA I RIBARSTVA

PRIKUPLJANJE, OBRADA I OBJAVLJIVANJE PODATAKA STATISTIKE POLJOPRIVREDE, ŠUMARSTVA I RIBARSTVA

Tokom 2016. godine aktivno je rađeno na prikupljanju i obradi podataka za izradu indeksa ulazno izlaznih poljoprivrednih cijena u skladu propisanim međunarodnim standardima. Provedena su i sva ostala statistička istraživanja iz oblasti statistike poljoprivrede (ratarske proizvodnje i stočarstva), šumarstva, ribarstva i zaštite okoline zahvaljujući izuzetno dobroj saradnji sa Odjelom za poljoprivredu i šumarstvo kao i drugim Vladinim odjelima.

5. MULTIDOMENSKE STATISTIKE

STATISTIKA OKOLIŠA I RAČUNI

Statistika otpada, voda

Provedena su statistička istraživanja iz oblasti statistike zaštite okoline, statistike voda, po novim obrascima i zajedničkoj metodologiji usklađenoj sa metodologijama EUROSTAT-a za ovu oblast statistike, a podaci su obrađeni i publikovani za nivo BiH.

6. PODRŠKA ZA STATISTIČKE PROIZVODE – INFRASTRUKTURA

Klasifikacija djelatnosti

Od 1.1.2011. godine počelo se primjenom Odluke o KD Brčko distrikta BiH koja je u potpunosti usklađena sa KD BiH 2010 u svim administrativnim registrima Brčko distrikta, kod određivanja glavne djelatnosti pri statističkoj registraciji poslovnih subjekata te u publikovanju većine statističkih podataka.

Ostale klasifikacije

I sve ostale klasifikacije propisane od strane Agencije za statistiku BiH su odmah preuzete i primjenjuju se u postojećim softverskim rješenjima.

Ažuriranje registra prostornih jedinica

Registar prostornih jedinica, katastarskih općina, naseljenih mjesta, MZ, statističkih i popisnih krugova sa utvrđenim nazivima, matičnim brojevima i mapama na katastarskim i topografskim

kartama i opisima granica je izrađen 2003. godine zajedničkom aktivnošću tadašnjeg Statističkog biroa i Pododjela za katastar. Ponovo je za potrebe provođenja Popisa stanovništva ovaj Registar ažuriran 2010. i 2013. godine od strane Pododjela za katastar i uz finansijsku podršku Agencije za statistiku BiH.

Vođenje i ažuriranje Jedinstvenog registra poslovnih subjekata

Posebna pažnja je posvećena urednom i ažurnom vođenju Jedinstvenog registra poslovnih i drugih subjekata i njihovih dijelova.

Subjektima se utvrđuje glavna (pretežna) djelatnost i matični odnosno poreski broj u saradnji sa Poreskom upravom. Podaci iz ovog registra trenutno su najvažniji administrativni izvor za kvartalno ažuriranje Statističkog poslovnog registra. Akti koji se izdaju u postupku statističke registracije služe poslovnim i drugim subjektima za ostvarivanje njihovih prava i obaveza: prijave radnika kod PIO/MIO i Fonda zdravstvenog osiguranja, za otvaranje bankovnih računa i slično. Podaci iz našeg Registra služe nadležnim tijelima za utvrđivanje obaveze predaje završnih računa za registrovane poslovne subjekte.

U 2016. godini proveden je postupak registrovanja 425 poslovnih subjekata i njihovih dijelova, od čega: pravnih lica 154 samostalnih preduzetnika 201, podružnica čije je sjedište u Brčko distriktu 24 i podružnica čije je sjedište izvan Brčko distrikta 46. Proveden je postupak 480 promjena u registru i 510 brisanje iz registra. Ovi poslovi vode se dnevno ažurno.

Od početka registracije do 31.12.2016 godine ukupno je registrovano 10.130 poslovnih subjekata i njihovih dijelova, od čega: pravnih lica 3.195, samostalnih preduzetnika 5.490, podružnica sa sjedištem u Brčko distriktu 600 i podružnica čije je sjedište izvan Brčko distrikta 845. Provedena je 6.552 promjena, od čega brisanja iz registra 3.956.

Obuka zaposlenih

Kontinuirano je rađeno i na edukaciji zaposlenih u 2016. godini, prvenstveno kroz projekte u organizaciji Agencije za statistiku BiH i učešće u radu radnih grupa za nacionalne račune, statistički poslovni registar, zdravstvo, obrazovanje, socijalnu zaštitu i sl.

Publikacije, saopćenja

U oblasti informisanja urađeno je i izdato šest redovnih publikacija "Bilten-statistički podaci" i osam tematskih publikacija po zasebnim oblastima statistike: „Indeksi potrošačkih cijena“, "Statistika socijalne zaštite", "Demografija", "Zdravstvena zaštita", "Statistika vanjske trgovine", „Nacionalni računi“, "Statistika obrazovanja" i „Statistika investicija“ u kojima su date serije osnovnih podataka za prethodne godine i detaljni podaci za posljednju godinu obrade. Publikacije su dostupne i u elektronskoj formi na web stranici Agencije za statistiku BiH i web stranici Vlade Brčko distrikta BiH. U vidu saopćenja redovno su u "Službenom glasniku BD BiH" objavljeni podaci o mjesečnim prosječnim neto i bruto plaćama, te mjesečnim koeficijentima rasta potrošačkih cijena u Brčko distriktu BiH. Na internet portalu Agencije za statistiku BiH redovno mjesečno objavljuju saopćenje o kretanju indeksa industrijske proizvodnje u Brčko distriktu BiH. Na zahtjev podaci su davani i drugim korisnicima (institucijama Brčko distrikta BiH i institucijama BiH, naučnim i stručnim institucijama i dr.).

Koordinacija i odnosi sa korisnicima

Koordinacija i saradnja sa tijelima ovlaštenim za provođenje statističkih istraživanja i ostalim institucijama u Brčko distriktu BiH bila je vrlo dobra, prvenstveno u planiranju i provođenju dijelova statističkih istraživanja koji se na njih odnose. Sa Poreznom upravom vodi se zajednički registar

poreznih obveznika i statistike, Odjel za zdravstvo Vlade vrši šifriranje uzroka smrti demografske statistike, u saradnji sa Odjelom za javni registar vrši se ažuriranje Registra i evidencije teritorijalnih jedinica, Odjel za privredni razvoj i dalje snima potrošačke cijene za potrebe obračuna indeksa potrošačkih cijena za nivo Brčko distrikta BiH i BiH, sa Direkcijom za finansije osiguravaju se detaljni podaci o izvršenju budžeta po nižim organizacionim jedinicama radi pravilne obrade po djelatnostima za obračun BDP-a. Neophodno je nastaviti sa ostvarivanjem aktivne koordinacije i saradnje sa institucijama ovlaštenim za provođenje statističkih istraživanja i drugim institucijama Brčko distrikta BiH.

Vlada Brčko distrikta BiH je osigurala prostor-ured za smještaj rezervne baze statističkih podataka BiH, tzv. "Disaster & recovery centar", koji služi kao rezervna baza podataka Popisa stanovništva 2013.

7. ADMINISTRATIVNA PODRŠKA

Održavanje opreme i obrada podataka

Elektronska obrada podataka je izvršena bez većih problema za statistička istraživanja za koje su osigurani računarski programi. Blagovremeno je izvršena priprema i instaliranje programa za unos i obradu podataka za 2016. godinu i blagovremeno su otklanjani zastoji u korištenju istih.

Redovno je održavana postojeća oprema, lokalna računarska mreža funkcioniše, antivirusna zaštita postoji, omogućen je pristup Internetu za sve zaposlene korištenjem vlastite informacione mreže. Vlada Brčko distrikta BiH je u potpunosti ispoštovala obaveze iz Sporazuma o preuzimanju poslova, opreme, finansijskih sredstava i uposlenih Biroa za statistiku Brčko distrikt BiH, te je zahvaljujući tomu omogućeno uspješno funkcionisanje Podružnice tokom 2016. godine.

Normativno-pravna djelatnost i koordinacija

U oblasti rukovođenja izrađen je, u saradnji sa ostalim institucijama za provođenje statističkih istraživanja, Plan statističkih istraživanja od posebnog interesa za Brčko Distrikt BiH u 2017. godini.

Izrađen je izvještaj o izvršenju Plana statističkih istraživanja od posebnog interesa za Brčko Distrikt BiH u 2015. godini, dostavljen Vladi Brčko distrikta BiH, te Agenciji za statistiku BiH.

Težište aktivnosti u narednom periodu trebalo bi biti na realizaciji aktivnosti Srednjoročnog i Godišnjeg plana rada Agencije za statistiku BiH, u dijelu koji se odnose na Brčko distrikt BiH.

ZAVRŠNE NAPOMENE

Ovaj izvještaj je sastavni dio godišnjeg izvještaja o radu Agencije za statistiku BiH za 2016. godinu, i biti će razmatran i usvojen i od strane Vijeća ministara Bosne i Hercegovine.

Broj:

Datum: